

সারিপুত্র ও মহাযোগগ্রন্থ

শ্রীকেশবচন্দ্ৰ গুপ্ত



মহাবোধি সোসাইটী
কলিকাতা

প্রকাশক—শ্রীদেবগ্রন্থ বলিসিংহ
মহাবোধি সোসাইটি
ও.এ, বঙ্গম চাটাজি প্রাট, কলিকাতা।

মূল্য এক টাকা মাত্র

মুদ্রাকর—শ্রীপতাতচন্দ্র রায়
শ্রীগোরাঙ্গ প্রেস
১, চিন্তামণি দাম লেন, কলিকাতা।

ভারতবর্ষের সচিব প্রধান পঞ্জি শ্রীজহরলাল
নেহেক মহোদয় কর্তৃক সারিপুত্র ও
মহামোগ্গল্লানের দেহাবশেষ গ্রহণ ও
মহাবোধি সভার সভাপতি ডাঃ শ্রীশ্যামাপ্রসাদ
মুখোপাধ্যায় মহানূভবের হস্তে সমর্পণের শুভ-
অনুষ্ঠান উপলক্ষে লিখিত। এ কুস্তি গ্রন্থে
প্রকাশিত মতামত লেখকের, মহাবোধি
সোসায়টি বা প্রকাশকের মতামত নয়।

লেখক

অগ্নি সঙ্কল্প করেনা অবোধকে দন্ধ করবার । কিন্তু নির্বোধ
স্বয়ং অগ্নিশিথার পরে হাত দেয়, তাই তার দহন অনিবার্য ।
মার, নির্বোধ শিশুর মতো তুমি প্রজ্জলিত বহিতে আত্মসমর্পণ
করেছিলে, তাই নিজ দোষে ভশ্মীভূত হয়েছ ।

—মহামোগ্গলান

তরুর স্নিফ্ফ ছায়ায় আমরা নিরন্তর সাধনা করি । যতটুকু
তঙ্গুলকণা মেলে, তাতেই আমাদের তৃষ্ণি । হস্তী যেমন
পর্ণকুটির পদ-দলিত করে, মার এবং তার সাথীদের আমরাও
তেমনি দলন করি ।

—মহামোগ্গলান

আকাশে যে রঙ, ফলাতে চায়, তার পরাজয় সুনিশ্চিত ।
আমারও চিত্ত আকাশের মত শান্ত ও ধীর । অগ্নিকুণ্ডের মুখে
ধাবিত পাথীর মত, আমার কাছে তোমার অশুল্ক চিন্তা নিয়ে
এসো না ।

—মহামোগ্গলান

মহামোগ্গলান—কমলের অঙ্গে যেমন জলের দাগ
পড়েনা, পরিবর্তনশীল জগতও তেমনি তোমার পরে রেখা-
পাত করেনা ।

—সারিপুত্র


জগতে তিনি সৎ—যিনি অদৃষ্টের শুভাশুভ বিপাকে আত্মস্ত,
অবিচলিত ও স্থির এবং লোভের অভিযান যার ধীর নির্বিকার
চিন্তাশ্রেতকে প্রতিহত করতে পারেন ।

—সারিপুত্র

যিনি ক্ষণিক আনন্দকে বেদনাঙ্গাপে চিন্তে পারেন, যিনি
বেদনার তীক্ষ্ণতা উপলক্ষ্মি করেছেন আর যিনি বুবেছেন ক্ষণিক
স্মৃথি ও ক্ষণিক ব্যথার লীলা-ভূমি এ জীবন চিরস্থায়ী নয়,
সংসার তাকে ধরে রাখতে পারেন, অদৃষ্ট তাকে বাঁধতে
পারেন ।

—সারিপুত্র

सौभिर दुष्टीय कु थ—हिता बहुते मधा हइटे साविष्ठु उद्य शोण गजारनव नेहारन्देश आविष्ठु इडेयार



بخاری حبیرا علیہ



সারিপুত্র ও মোগ গল্লিন্দ্ৰ

সাঁচিতে প্রাপ্ত পৰিত্ব দেহাবশেষ কথা

সাঁচি

নৃপতি বিষ্ণুসার
নমিয়া বুকে মাগিয়া লঙ্ঘল পাদ-নখ-কণা তাঁৰ ।
স্থাপিয়া নিভৃত প্রাসাদ কাননে
তাহারি উপরে রচিলা পতনে
অতি অপৰূপ
শিলাময় স্তুপ
শিল্প শোভার সার ।

অবশ্য সে শিল্পশোভার সার, অতি অপৰূপ শিলাময় স্তুপ,
এ যুগের লোকের দেখবার সৌভাগ্য হয়নি । কারণ নৃপতি
বিষ্ণুসার ছিলেন ভগবান তথাগতের সমকালের নরপতি,
খঃ পূঃ ষষ্ঠ শতাব্দীর লোক ।

বুদ্ধগবানের ধৰ্ম ও সজ্জের পতাকা বহন ক'রে মগধেশ্বর
অশোক ভারতবর্ষকে বিশ্ব-রাজ-সভায় গৌরব মণ্ডিত করে-
ছিলেন । সে দিনের শিল্প, সাধনা এবং কৃষির প্রসারের
ইতিহাসে সাঁচির স্থান বিশিষ্ট ! আন্তর্জাতিক মৈত্রী ও কৱণার

বিস্তার অশোক-জীবনকে উজ্জ্বল করেছিল। সে শুভ অনুষ্ঠানের কর্মকর্তাদের নামের সঙ্গে এক স্মৃতে বাঁধা অবস্থার নাম। সাধী, বিদিশানগর এবং উজ্জয়িনী, অবস্থী গগনের জ্যোতির্ময় তারকা। সাঁচি স্তপের কথা জাতীয় চেতনায় বহু শুভস্মৃতি জাগিয়ে তোলে। কারণ পুণ্যস্মৃতি গৌতমের প্রিয় শিষ্য সারিপুত্র, মহা মৌদগল্যায়ন, কাণ্ডপগোত্র প্রভৃতির ভগ্নাবশেষ-স্তপ-পূত এই প্রদেশ। ভারত-কূটির প্রদীপ-শিখ সমুজ্জ্বল করেছিল সেদিনের সভ্যজগতকে। সে রশ্মি বিকীরণের অক্ষয়খ্যাতি রাজ-চক্রবর্তী অশোককে বিশ্ব ইতিহাসে অমরত্ব দান করেছে। বর্তমান সাঁচির টেট ও পাথরের ভগ্নস্তপ হ'তে অমর অশোকের স্মৃতির আলোক আত্ম-প্রকাশে সচেষ্ট। ভিক্ষু রাজকুমার মহিন্দ, সিদ্ধার্থের সিদ্ধির সমাচারে, সংস্কৃতির ডোরে, সিংহলকে এই পুণ্য ভূমিতে বেঁধেছিলেন। তিনি ও বিদিশগিরির লোক। সাঁচি প্রদেশের ভাঙ্গাস্তপের আকাশ, বাতাস রাজ-কুমারী সজ্যমিত্রার সর্ব গৌরবগানে মুখরিত। ইতিহাস এখনও একমত হয়নি এই দুই পুণ্যপ্রাণ ও মহিমময়ী, মহামতি অশোকের পুত্র-কন্যা না আতা-ভগ্নী। সসাগরা ভারতের একচ্ছত্র রাজ-চক্রবর্তী অশোকের আত্মীয়া সজ্যমিত্রা দীন। ভিক্ষুণীর বেশে বুদ্ধ-গয়ার চিরজীবি বোধিফুরের এক শাখা-তরু নিয়ে সিংহলে গিয়েছিলেন। সিংহলের সেদিনের আয়োজন, উৎসব, আনন্দ-সমারোহ আজিও কল্পনায় তেসে ওঠে। প্রাণ নেচে ওঠে শিহরণে। সজ্যমিত্রা অবস্থী দেশের

কুমারী। তাঁর ধর্মপ্রচারে মরকত-হরিত লঙ্কাদ্বীপের প্রতি ভারতবর্ষের বিশাল-প্রাণের প্রীতির ইঙ্গিত ছিল। সে প্রীতি লঙ্কণের প্রতীক অনুরাধপুরের বোধিদ্রুম আজিও সজীব।

ভূপাল রাজ্যে একটি ক্ষুদ্র গিরিগ্রাম সাঁচি। প্রাচীন কালের বিদিশগিরিতে সান্ধী ও নিকটবর্তী কটি শেলে প্রায় ষাটটি স্তুপাবশেষ বিদ্যমান।

সাঁচির সন্নিকটবর্তী পাঁচটি গ্রামে বিক্ষিপ্ত স্তুপমালাকে সাধাৰণতঃ সাঁচিতুপ বলা হয়। সকলগুলিই ভিলসা বা বহুলস্বামী সহরের আশে পাশে ছয় ক্রোশের মধ্যে অবস্থিত। সাঁচি, সোনালি, শতধারা, পিপলিয়া বা তোজপুর এবং আঁধের, পাঁচটি গ্রামে ঐ স্তুপগুলি পাওয়া গেছে। এ পবিত্র ক্ষেত্র বৌদ্ধের কেন, প্রত্যেক ভারতবাসীর পুণ্য তীর্থ। কালের সংহার লীলা অনেকগুলি স্তুপ ও স্তুপকে ধ্বংস করেছে। পরধর্ম-অসহিষ্ণু নবাব ও রাজপুরুষ বহু স্তুপ ভেঙ্গেছে। প্রত্তত্ত্ববিদের উৎসুক্য যেমন সাঁচি তুপের লুপ্ত-যশকে জাগিয়ে তুলেছে, অন্তদিকে তেমনি কতকগুলিকে ক্ষতবিক্ষিত করেছে। পৃথিবীর বহু সংগ্রহশালা এদের লুপ্ত-সম্পদের টুকরায় সমৃদ্ধ। অনেক সময় অঙ্গ গ্রামবাসীর ইট, কাঠ, পাথরের অভাব পূরণ করেছে এই অবহেলায়, অবঙ্গায় মলিন, প্রাচীন জাতীয় ধন-ভাণ্ডার।

মালবের অন্তর্গত অবস্থী একদিন ভারতবিখ্যাত জনপদ ছিল। শাক্যসিংহের বহু জ্ঞাতি ক্ষত্রিয় সুধী ও বাঁৰ কপিলবন্ত

ত্যাগ ক'রে অবস্তীতে উপনিষষ্ঠি হয়েছিল। অতি পূরাকাল হ'তে বৌদ্ধমতবাদ ও দেশকে প্লাবিত করেছিল। বিদিশা অবস্তীরাজ্যের একটি বৰ্দ্ধিযুক্ত নগর ছিল।

গৌতমের কতকগুলি বিশিষ্ট শিষ্য অবস্তীদেশের। মহাকচ্চান অবস্তীতে জন্মলাভ করেছিলেন। তাঁর বৌদ্ধধর্মের ব্যাখ্যা বৌদ্ধ-জগতে সমাদৃত। সুকৃষ্ট প্রচারক সোণ কুটিকল্পনা জন্মভূমি অবস্তী।

ভারতবর্ষ ও সিংহলের বহু স্থানে বিক্ষিপ্ত স্তপগুলি স্মৃতিচিহ্ন। প্রত্ন বুদ্ধের মহাপরিনির্বাণের পর যে ভগ্নাশি দেশ বিদেশে বিতরিত হয়েছিল তাদের ভগ্নাধার রক্ষার জন্য কতকগুলির স্মষ্টি। তাঁর বরদেহের দন্ত, কেশ বা পাদনখ-কণা হেম-আধারে রক্ষিত হ'য়ে তার উপর কতক স্তলে স্তপ নির্মিত হ'ত। লঙ্ঘার কান্দীমন্দিরে প্রতুর দাঁত আছে। কতকগুলি স্তপের বুকে বুদ্ধদেবের পার্শ্বদ, শিষ্য বা কীর্তিমান ভক্তের ভগ্নাবশেষ রক্ষিত আছে। তেমন পরিত্র আধার সারিপুত্র এবং মহামোগ্গলানের। সাঁচিতে ছুটি আধারের অন্তরে ঐ ছই পুণ্যাঞ্চার দেহাবশেষ সংরক্ষিত ছিল। আর কতকগুলি স্তপ রচিত হ'য়েছিল কোনো সবিশেষ ঐতিহাসিক ব্যক্তিগত বা জাতীয় ঘটনার স্মৃতি জাগিয়ে রাখিবার শুভউদ্দেশ্যে। সারনাথের স্তপের অভ্যন্তরে কোনো বস্তু পাওয়া যায় নাই। মৃগদাব বা সারঙ্গনাথ বা সারনাথে ভগবান গৌতমের সম্মোধি লাভের পর বৌদ্ধনীতি প্রথম প্রচারিত হ'য়েছিল। বোধ হয়

তাই এই স্তুলে স্তুপ রচনা করা হয়েছিল—ক্ষেত্র-মাহাত্ম্যের সঙ্কেতরূপে।

রোমক সেনাপতির বিজয় গরিমা চিরস্মরণীয় কর্বার জন্য বিজয়-তোরণ বা স্তম্ভ গঠিত হ'ত। এ-যুগে মনুমেন্ট, সেনেটাফ প্রভৃতির উদ্দেশ্যও এই প্রকার। মিশরের পিরামিড, বিশিষ্ট নরপতি এবং রাজ-পরিবারের সমাধিস্থৃতি। গ্রীক এবং রোমক জাতি প্রস্তর মূর্তি নির্মাণ করত জনপ্রিয়দের। দেব-দেবীর পাষাণ-মূর্তি নির্মাণে বিশেষভাবে ছিল গ্রীক যবনদের। তানেকের অভিযত, তাদের সংস্পর্শে এসে হিন্দু পৌত্রলিকতা শিক্ষা করেছে। অবশ্য এ মতের বিরুদ্ধে বহু কথা বলবার আছে। কিন্তু প্রস্তর মূর্তি গঠনে গ্রীক শিল্পীর অসাধারণ কার্ত-কুশলতা। অবুনিক যুগে পৃথিবীর সর্বত্র স্টাচুর প্রচলন হয়েছে।

বুদ্ধ-ভগবান

ভগবান বুদ্ধদেবের আবির্ভাবের পূর্বে ভারতবর্ষের আর্য ঋষি কৃষ্ণ ও স্রষ্টার অখণ্ড সম্মক্ষের শাশ্঵ত সত্য উপলক্ষ্মি করেছিলেন। কিন্তু সে শিক্ষা কতদূর আপামরসাধারণের সংস্কৃতির অন্তর্ভুক্ত হয়েছিল, এ সমস্থা নিঃসঙ্কোচে সমাধান করা যায় না। বেদের ক্রিয়াকাণ্ডে, যজ্ঞের বিবিধ নিয়মকে মন্ত্র ও জ্যামিতির নাগপাশে বেঁধে প্রাণহীন করা হয়েছিল—যাঙ্গিক পুরোহিতের একনিষ্ঠ সাধনায়।

যে যুগে ভারতবর্ষ কৃষ্ণ ও সাধনায় রিক্ত হয়েছিল সেই যুগে এ পুণ্যভূমিতে অবতীর্ণ হয়ে গৌতম দেশকে ধর্মমার্গে প্রতিষ্ঠিত করবার বাবস্থা অবলম্বন করেছিলেন। কেবল ভারতবর্ষে নয়, বিশ্বের সকল ভূখণ্ডকে জ্ঞানের আলোকে উন্নাসিত কর্বার শুভ ইচ্ছা গৌতমের বাণী।

ক্ষত্রিয়কুলে আত্মপ্রকাশ করেছিলেন, শাক্যসিংহ অহিংসার মাহাত্মা প্রচার করতে—নরের জন্মগত অধিকারকে মানবতার গতি এড়িয়ে দেবতার রাজসিংহাসনে বসাতে। সে বাণী ভারতের ও সিংহলের গণসমাজকে পবিত্র ক'রে ক্ষান্ত হল না। বৌদ্ধ-নৌতি তিব্বত, চীন, তাতার, মঙ্গল, শ্রাম, মলয়, বর্মা, যবদ্বীপ, কোরিয়া প্রভৃতি দেশের সংস্কৃতিকে সমুজ্জ্বল করলে। সে আলোর রশ্মি দিগন্দিগন্তে ছুটে প্রাচ্যজগতকে অপূর্ব শোভা-সম্পদে

সমৃদ্ধ করেছিল। এই বিশ্বব্যাপী প্রচার বুদ্ধ ভগবানের অন্ততম লক্ষ্য এবং এই উদ্দেশ্যকে সাফলামণ্ডিত করবার জন্য প্রতি বুদ্ধ প্রাচীন আর্যরৌতি জলাঞ্জলি দিয়ে মানুষের চলতি ভাষাকে ধর্ম্মতের বাহন করেছিলেন। তাই আজ চীনদেশের বহু বৌদ্ধ হয়তো বুদ্ধ নাম জানে না—তাকে ফা, ফায়া বা বুৎস বলে জানে। পৃথিবীর সকল হিন্দুকে সংস্কৃত ভাষায় মন্ত্রোচ্চারণ করতে হয়, সকল মুসলমানকে আরবী ভাষায় নমাজ পড়তে হয়। বুদ্ধের ধর্মাবলম্বী মানুষ সংস্কৃত, পালি বা কোন ভারতীয় ভাষায় উপাসনা করতে বাধ্য নয়।

বুদ্ধ ভগবানের বাণী বিজলী বেগে মানুষের হৃদয় হতে হৃদয়ে ছুটেছিল। তার কারণ, সে বাণী মানুষের নিভৃত হৃদয়ের সেই ভাঙ্গা বীণার তারে ঝাঙ্কার দিয়েছিল, যে তারের স্পষ্ট, অস্পষ্ট, ব্যক্ত, অব্যক্ত স্বর মানুষের সমাজে সনাতন ও শাশ্঵ত।

কিসের তরে অঙ্গ ঝরে, „

কিসের লাগি দীর্ঘশ্বাস—

এ কঠোর সমস্তা কেভম্যান হ'তে কপিল মুনি পর্যন্ত সকলকে নিত্য উত্ত্যক্ত করে। তার সমাধান করতে চেষ্টা করা শ্বাস-প্রশ্বাসের মত জীবনের একটি নিত্য কর্তব্য। শিশুর হাসি, জননীর স্নেহ, কমলের কোমল পেলবস্পর্শ উপভোগের সঙ্গে সঙ্গে মানুষ প্রতিদ্বন্দ্বিতা ও হিংসার কুস্তিপাকে আড়ষ্ট হয়। যুগে যুগে, বর্ষে-বর্ষে, ক্ষণে-ক্ষণে, বাহিরের ও অন্তরের স্তোকবাক্য মানুষের এই দুর্বিষহ জীবন সংগ্রামের পথকে সরল ও

করতে সচেষ্ট। কিন্তু জগত নিজের বেখানা স্বোতে চলেছে, তাই ধরণীতে ত্রিতাপের রাজত্ব অপ্রতিহত।

ভগবান গৌতম একেবারে সোজা সরল অভিযান করেছিলেন ত্রিতাপের হুর্গে। কর্মফলের চক্ররহস্য তিনি শিখ্যদের বুঝিয়ে দিলেন। বললেন—যদি নির্বাণ চাও, তিনি রকম দেহের পাপ ক'র না—হিংসা ক'র না, পরের জিনিষ নিজস্ব ক'র না, পরদার গমন ক'র না। বাচনিক পাপ চার রকম—মিথ্যাবলা—পরনিন্দা—পরকে গালি দেওয়া—আর বৃথা বাক্যালাপ। মানসিক পাপ তিনি প্রকার—লোভ—অসূয়া—সংশয়।

সমস্ত বুদ্ধনীতি আলোচনা করবার স্থান বা সময় এ নয়। নিজের সাধনালঙ্ক ধর্ম প্রচার করবার উচ্চাশা প্রকট করেছিলেন বুদ্ধ ভগবান। তাই নিরাশায় আশা দিতে, বিক্ষিপ্ত গণশক্তিকে কেন্দ্রীভূত করতে, বৈশ্য ও শূদ্রের যে শক্তি অপাংক্রেয় ভেবে ব্রাহ্মণ ও ক্ষত্রিয় অপচয় করত—তাকে জনসেবায়, দেশসেবায় নিয়োগ করতে এবং চরিত্রের নির্মলতা সম্পাদন করতে, বৌদ্ধমত যে বিশেষ সাফল্যলাভ করেছিল, সে কথা ইতিহাসে স্বর্ণক্ষেত্রে লিখিত রয়েছে।

নবীন জগত প্রকৃতির অনেক গুপ্তরহস্য অধিকার ক'রে ইঞ্জিয়ের সেবা গ্রহণ করছে। আকাশে উড়ছে। দেশদেশান্তরে নিমেষে কথা বলে পাঠাচ্ছে। কিন্তু তার মনের শুক্তা বহু পরিমাণে হ্রাস পেয়েছে; কারণ সে প্রাচীন অবতারদের বাণী

নিষ্ফল মনে করেছে। তাই নবীন মানুষ বিজলীর বাতি
জ্বেলে, পরের ধন অপহরণ করে, উড়োজাহাজ থেকে বোমা
ফেলে নররক্ত পাত করে, বিজলীর সাহায্যে হিংসার মিথ্যা
বাণী সারা বিশ্বে প্রচার করে। তাতেও মানুষ তৃষ্ণ নয়, তার
অসন্তোষ ও অসামঞ্জস্য ক্রমবর্দ্ধমান, বিশ্বব্যাপী। বণিকের মত
অর্থ নাই রাজার, রাজার সম্মান নাই বণিকের, শক্তি ও কারো
অপ্রতিহত নয়। রুশিয়ার গণতন্ত্র প্রভু যীশুকে নির্বাসিত
ক'রে লেনিনের মৃত্যিপূজা করছে। কিন্তু জীবন তো অশাস্ত্র।

বোধিদ্বন্দ্বের স্নিগ্ধছায়ায় ব'সে গৌতম যখন গভীর
ধ্যানমগ্ন ছিলেন—রাজশক্তি, বাহুবল, বিজয়লক্ষ্মী, বিদ্যার মোহ,
বুদ্ধির মাদকতা—নিশ্চয় একে একে আত্মপ্রকাশ করেছিল তাঁর
বিশ্বমনের স্বচ্ছপটে। তিনি অহিংসা নীতির অমোঘ সার্থকতা
উপলক্ষি করেছিলেন। জরা, ব্যাধি ও বার্দ্ধক্যের জ্বালার
প্রতিষেধক ও নিরাময়ক অমোঘ অহিংসার নীতি প্রচার
করেছিলেন।

কৃশদেহে, হাসিমুখে এ দেশের অতি-মানুষ গান্ধী এ যুগে
বলেছেন—হিংসা নীতি বর্জন কর, তোমার দেশের নীতি
জগতকে দান কর। আবার তোমার শ্রীবৃদ্ধি হবে, মহানিশার
মহাত্মিমির ভেদ ক'রে আশাৰ অৱণ ফুটে উঠবে।

সেদিন এ যুগের শ্রেষ্ঠ কবি বলেছিলেন

“দানবের মৃত্য অপব্যয়,
রচিবে না কোনদিন ইতিবৃত্তে শাশ্বত অধ্যায়।”

জগতের জমাট অঙ্ককার ও হিংসার অবাধ উচ্ছ্বলতায় মনে সন্দেহ হয়, বুদ্ধভগবান, শ্রীকৃষ্ণ, যীশু, মহম্মদ, রামকৃষ্ণ বা গান্ধীর উপদেশ কি বৃথা কথার আড়স্বর ?

এ সমস্তা যে সন্দিক্ষ প্রাণকে ব্যথিত করবে, এ সত্য বুদ্ধভগবান উপলক্ষ্মি করেছিলেন। তাঁর শিক্ষা, তাঁর দেশের প্রচলিত সংস্কৃতির উপর নির্ভর ক'রে প্রচার করেছিল যে, ক্ষণে ক্ষণে দিনে দিনে মানুষ কর্মের দাস। সেই কর্মকে শম, দম, নিয়মের দ্বারা শুল্ক ও সংযত করতে না পারলে, শুল্ক-কর্মের প্রেরণা মানুষ অনুভব করবে না। তাই কঠোর শৃঙ্খলা মানুষের মনকে অহিংস, নিরূপদ্রব এবং নিষ্কাম না করলে তাকে নিরস্তর ছাঁখ জর। ব্যাধি ও বার্দ্ধক্যে নরক-যন্ত্রণা তোগ করতে হবে। পাপ পুণ্য সম্বন্ধ বাচক। পাপ অনুষ্ঠান চিত্তশুন্দির পবিত্র আণন্দে পুড়ে পুণ্যে পর্যবসিত হবে।

মানুষের মহাব বর্ণনা করেছে বেদ, উপনিষদ, গীতা। বুদ্ধভগবান তাকে যে মহস্ত দিয়েছেন তা অসাধারণ। নিজের চেষ্টাতে মানুষের অন্তিম শুন্দি। কিন্তু সেই বিশুন্দির অবস্থায় পৌছবার জন্য, বুদ্ধভগবানের পূর্বে, ভারতের ধর্ম ঈশ্বরের প্রতি ভক্তি ও শ্রদ্ধার মার্গকে উচ্ছস্থান দিয়েছে। বুদ্ধ মুক্তি লাভের সমস্ত দায়িত্ব মানুষের নিজের কর্তব্য কর্মের উপর নিষ্কেপ করেছেন। প্রতি পদে সাধনার পথে চলা প্রকৃত বৌদ্ধ ধর্ম। নিজেকে উদ্ধার করতে গেলে কেবল জ্ঞানের দ্বারা সে মহা

কার্য সাধতে হবে। তিনি অষ্ট মার্গকেই জীবন গোলকধার আসল চলার পথ বলে নির্দেশ করেছেন। তাঁর দর্শনকে মধ্যমার্গ বলে। বিলাসিতায় মোক্ষ মেলেনা, আবার নিজের নিপ্রাণেও মুক্তির দ্বার খোলেনা। জরা জৌর্ণ সিদ্ধির পথে অগ্রসর হবে কেমন করে? ধন-বিলাসী বা ভোগীর উন্নতি অসম্ভব। মধ্যমার্গই আর্য অষ্টাঙ্গমার্গ। অষ্টাঙ্গিক মার্গ—সম্যক দৃষ্টি, সম্যক সঙ্গম, সম্যক বাক্য, সম্যক কর্ম, সম্যক জীবিকা, সম্যক ব্যায়াম, সম্যক স্মৃতি এবং সম্যক সমাধি। প্রকৃত দর্শন ও জ্ঞান, সত্যপথে বিচরণের সঙ্গম, মিথ্যা, পৌরুষ প্রভৃতি ভাষা বর্জন, হিংসা ও ইন্দ্রিয় ভোগ বিমুখ কর্ম, সহপায়ে জীবন ধারণ, চেষ্টার দ্বারা অপবিত্রতাকে দমন ও পবিত্রতার উদ্বোধন, প্রকৃষ্ট স্মৃতি এবং ধ্যানে মগ্ন হওয়া নির্বাণ পথে প্রকৃত যাত্রা। মোট কথা চরিত্রের বিশুদ্ধতা মানবের লক্ষ্য হ'লে দুঃখ নিরুত্তি সম্ভব। তৃষ্ণাই দুঃখের কারণ। এই তণ্হা চায় ইন্দ্রিয়ের স্ফুরণ, জন্মলাভের ইচ্ছা ও অনিচ্ছা। তৃষ্ণা প্রসংস হলে দুঃখের নিরুত্তি। বড় ছোট ধনী নির্ধনের ভেদাভেদ অলৌক। সিদ্ধার্থ নিজ শিষ্যদের বলেছিলেন—সকল দেশে গিয়ে ধর্ম প্রচার কর। তাদের বলো দীন ও দরিদ্র, ধনী ও প্রভাবশালী ব্যক্তি সবাই এক। সকল জাতি মেলে ধর্মে, যেনন সব নদী মেলে সাগরে।

তাঁর শিক্ষণ—

মানুষ ব্যবহারে ব্রাহ্মণ হয় জন্মে নয়। বৈরিতা বাড়ে বৈরিতায়। বিজয়ের ফল ঘৃণা কারণ বিজিত দুঃখী।

আঞ্চেন্নাতি আপনারই চেষ্টাতে হতে পারে। কিন্তু সে চেষ্টার মধ্যে নিহিত—পরের স্বচ্ছতা, অন্তের উন্নতি। সুতরাং পৃথিবী যাক রসাতলে, অন্তে পচুক ভৌমণ নরকে আমি মোক্ষ লাভ করি, এ শিক্ষা বৌদ্ধ নীতি নয়।

পঞ্চশীল বৌদ্ধ নরনারীর চরিত্রের আদর্শ নির্ণয় করে। পঞ্চশীল সরল কথায় মানুষকে মোক্ষ-দারের পথে চালিয়ে নিয়ে ঘাবার দৈনিক কার্যাবিধি।

নমো তস্ম ভগবতো অরহতো সম্বাস্যুক্সম্স ।

বুদ্ধং শরণং গচ্ছামি

ধ্যং শরণং গচ্ছামি

সজ্জং শরণং গচ্ছামি

১ প্রাণাতিপাতা বেরমণী শিক্ষাপদং সমাদিয়ামি

২ অদিনাদানা বেরমণী শিক্ষাপদং সমাদিয়ামি

৩ কামেস্ত্র মিছাচারা বেরমণী শিক্ষাপদং সমাদিয়ামি

৪ মুসাবাদা বেরমণী শিক্ষাপদং সমাদিয়ামি

৫ সুরামেরময়মজ্জপমাদ্র্ত্তানা বেরমণী শিক্ষাপদং
সমাদিয়ামি ।

ভগবান অর্হত সম্যকসম্বুদ্ধকে প্রণাম করিয়া, বুদ্ধ, ধ্যং
এবং সজ্জর শরণ লইবার অঙ্গীকারের পর, পাঁচটি বিষয় হ'তে
বিরত হবার মন্ত্র উচ্চারণ দৈনিক কর্তব্য ।

১ প্রাণাতিপাত হইতে বিরত থাকিব । অর্থাৎ জীবহিংসা
করিব না ।

২ পরের দ্রব্য অপহরণ হইতে বিরত থাকিব ।

৩ ব্যভিচার হইতে বিরত থাকিব ।

৪ মিথ্যা ভাষণ হইতে বিরত থাকিব ।

৫ মন্ত্রাদি পানকৃপ প্রমাদ হইতে বিরত থাকিব ।

মানুষ যদি সংকল্প করে যে সে প্রাণাতিপাত করবে না, পরদ্রব্য আহরণ করবে না, ব্যভিচারকে কদাচার বোধ করবে, মিথ্যা ভাষণকে শক্ত ভাববে এবং মাদক দ্রব্য পরিহার করবে, তা হ'লে নীতি-পথে তার গতি অপ্রতিহত । এই অঙ্গীকার কথ্য ভাষায় গ্রহণ করতে হয় । সুতরাং মন্ত্রের রহস্যের মত এ সরল সাধনা শীঘ্র হৃদয়ে পৌছে মানুষকে কর্তব্যপথে চালাতে পারে ।

চূঁখ নিরুত্তির চেষ্টা মানব মনের সহজ ভাব । কিন্তু সে চেষ্টা ভাস্তু পথে নিয়োজিত হয়, তাই চূঁখ বাড়ে তার মূল উচ্ছেদ হয় না । ভগবান বুদ্ধের ধর্ম বুঝতে গেলে, চারটি আর্য সত্য এবং অষ্টাঙ্গিক মার্গের বিষয় উপলব্ধি করা একান্ত প্রয়োজন । চারটি আর্য সত্য—চূঁখ, চূঁখের উৎপত্তি, চূঁখ নিরোধ এবং নিরোধের পথ । ধর্মপদ, বহু সূত্র, গাথা, উদান নিকায়ে ঐ-বিষয় বর্ণিত ও ব্যাখ্যাত হয়েছে । চূঁখ হচ্ছে জন্ম, জরা, মৃত্যু, শোক, বিলাপ কষ্ট ও হতাশ ।

বুদ্ধঘোষ বিশ্বদ্বিমগ্রগে বৌদ্ধ-দর্শন বিবৃত করেছেন । ধর্মপদ বহু নীতি কথা সাধারণের বোধগম্য ভাবে বর্ণনা করেছে । বিদেশী বহু পঙ্গিত বৌদ্ধ ধর্মের মর্ম নিজ নিজ ভাষায়


স্বজাতিকে শুনিয়েছেন। ইংরাজিতে রীস ডেভিস দম্পতির পুত্রক উপাদেয়। বাঙালী পণ্ডিতদের মধ্যে সতীশ চন্দ্ৰ বিদ্যাভূষণ, হৱ প্ৰসাদ শাস্ত্ৰী, শৱত চন্দ্ৰ দাস, বেণী মাধব বড়ুয়া এবং বিমল চন্দ্ৰ লাহা মহাভূতবদিগের শ্ৰম ও পাণ্ডিত্য ভারতের এক শ্ৰেষ্ঠ ধন ভাণ্ডার বৌদ্ধ নীতি, সাধাৰণের জ্ঞানের জন্য উন্মুক্ত কৱেছেন। রমেশ চন্দ্ৰ দত্ত, মন্মথনাথ দত্ত প্ৰভৃতি মনীষিৰ বুদ্ধভগবানেৰ জীবনচৰিতও বহুতথ্য সমৰ্থিত। ঐতিহাসিক দুর্গাদাস লাহিড়ি মহাশয়েৰ অসমাপ্ত ভাৱতবৰ্ষেৰ ইতিহাস বৌদ্ধ ইতিহাস, সাহিত্য ও তথ্যে পূৰ্ণ। অনাগারিক ধৰ্মপাল প্ৰতিষ্ঠিত মহাবোধি সোসাইটি বৌদ্ধ-নীতি সুধা বিতৰণ কৰ্তে সদাই সচেষ্ট। ভিক্ষু শীলভদ্ৰেৰ ধৰ্মপদ ও দীৰ্ঘনিকায় আপাততঃ প্ৰকাশিত হয়েছে। অধুনা সিংহলে ডাক্তার মললশেখৰ, গুণৱন্ত, জয়তিলক প্ৰভৃতিৰ চেষ্টায় বৌদ্ধ দৰ্শন প্ৰভৃতিৰ পৱিচয় সুলভ হয়েছে। ১৯২৭ সালে প্ৰকাশিত ডাঃ টমাসেৰ বুদ্ধচৰিত বহু তথ্যে পূৰ্ণ। সারিপুত্র ও মহামোগ্গলানেৰ প্ৰথম জীবনেৰ ঘটনা তিনি বিষদ-ভাৱে বৰ্ণনা কৱেছেন।

এ প্ৰসঙ্গে একটা প্ৰধান কথা বলি। বিদেশী শিক্ষকেৱ অনুগ্ৰহে আমৱা শুনেছি, বৌদ্ধ-ধৰ্ম পেসিমিজিম বা নিৱাশবাদ। শ্ৰীমতী রিজ ডেভিস এ মত খণ্ডন কৱেছেন। এবং যে কেহ বুদ্ধভগবান প্ৰৱৰ্ত্তিত নীতি ও রৌতিৰ কথা অবহিত, ধৰ্মীৱভাৱে বিচাৰ কৱলে তাকে বলতে হবে যে বৌদ্ধধৰ্ম দারুণ



আশাবাদ। জগত দৃঃখে ভরা এ কথা সত্যের বর্ণনা। শঙ্করাচার্য জগতের ধারার এই আপাতঃ সত্যকে মাঝা এবং অলীক বলেছেন। অন্তান্ত দার্শনিকরা জগতের দৃঃখ শ্রোতের অন্ত কারণ বর্ণনা করেছেন। কিন্তু পৃথিবীতে দৃঃখের প্লাবন সম্বন্ধে কেহ ভিন্ন মত নন। ভগবান বুদ্ধ উপায় নির্দ্বারণ করেছেন কেমন ভাবে জীবন যাপন করলে এই দৃঃখের পয়োধি সাঁতারে পার হাওয়া যায়। অন্তে নির্বাণ। মাঝে বহু স্বর্গভোগ। সকল গুলিই স্বুখের সমাচার, দারুণ আশার বাণী। এ ধর্মমত কেমন ক'রে পেসিমিজম হতে পারে?

সারিপুত্র ও মহামোগ্গল্লান

বৌদ্ধ ধর্মের পরিণতি, বিস্তার এবং প্রচারের ইতিহাসে রাজগিরির খ্যাতি মহিমময়। সেই পরিত্র ভূমিতে ছটি সম্পন্ন ব্রাহ্মণ গৃহে সারিপুত্র এবং মহামোগ্গল্লানের জন্ম হয়। এই পরিবার ছটি বছকাল অথও আভীয়তার বাধনে আবদ্ধ ছিল। শিশুকাল হতে সেই দুই কুলের এই শুকুমার ছটির সখ্যও ছিল অকৃত্রিম। বলা বাহুল্য সারিপুত্র শব্দের অর্থ সারিদেবীর পুত্র। তাঁর জননী সারিদেবী। মহা-মৌদগল্য-বংশের হয়তো নামের অপ্রত্যঙ্গ মহামোগ্গল্লান। এ দুজন সাধকের গার্হস্থ্য আশ্রমের নাম ছিল উপতিস্দ এবং কোলিত। কেহ বলেন কোলিতর জননীর নাম মোগ্গল্লী বা মঙ্গলী—তাই তাঁর নাম হয়েছিল মোগ্গল্লান। কোনো গ্রন্থে সারিপুত্র অন্ত নাম আছে উপতিস্স তাঁর এক সঙ্গীর নাম। এই দুই সখ্য একত্র খেলতেন। স্বভাবের শোভায় আকৃষ্ট হতেন, আত্ম বিস্মৃত হতেন। প্রকৃতির গান্তৌর্যে ও লীলা-চপলতার অন্তরে বিশ্বের চরমবাণীর আভাস পেতেন। একই গুরুর গৃহে তাঁরা অধ্যয়ন কর্তেন। শিক্ষাগুরুর নাম সঞ্জয়। একদিন দুইমিত্রে এক নাট্যশালায় অভিনয় দর্শন করতে গিয়েছিলেন। প্রেক্ষা গৃহেই তাঁদের তরুণ মনে জগতের নশ্বরতার বাণী স্বপ্নকাশ






ଶ୍ରୀନାରାତ୍ନପୁର
ଶାକବ୍ରତପୁର



ସେହିପରିମାଣ




ସେହିପରିମାଣ



ସାଚି ଓ ସନ୍ନିକଟବତ୍ରୀ ପ୍ରଦେଶେ ଆର୍ଯ୍ୟକୁଳ ଏତକଞ୍ଜିଳ ଶୂତି-କୋଷ

ଏକଟି ନାମକରଣ ଦଶାମ



হল। মাত্র সেই নাট্যশালার নটনটীর অভিনয় অলীক নয়। মারা বিশ্ব-সংসারই অভিনয়। ত্রিতাপে তাপিত নরনারী শাস্তির দীপ ভেবে আলেয়ার পিছে ছুটছে কিন্তু পরঙ্গণেই দুর্বল হে সে আলোক ক্ষণস্থায়ী। জগত নাট্যশালা খড়োতালাকের ঝলক দেখিয়েই মানুষকে আন্ত পথে নিয়ে যায়। দুই তরুণ বন্ধু সঙ্কল্প করলেন সন্ন্যাস গ্রহণের।

গ্রাম ছেড়ে উপতিস্ম ও কোলিত বনে উপবনে, কত নগরে, তৌর্থভূমিতে ও পুণ্যদেশে পরিভ্রমণ করলেন। অথচ এমন কোনো গুরুর সাক্ষাতলাভ হলনা যার বচন-স্মৃধায় অন্তরাত্মার ক্ষুধার নিযুক্তি হয়। তাঁরা নিরাশ হয়ে স্বগ্রামে প্রত্যাবর্তন করলেন।

কিন্তু শুন্দি আজ্ঞার স্বর বন্ধুত হচ্ছে যাদের চিত্তের গভীর গুহায়, তাদের পক্ষে বিশ্বসংসারের চিরদিনের মান অভিমান আশা-নিরাশা বা ক্ষণিক স্বুখের পর নিবিড় যন্ত্রণার অভিনয়ে পরিত্বিষ্ণি নাই। দুই বন্ধু পরামর্শ করলেন। সিদ্ধান্ত হ'ল তাঁরা দুজনে দু'পথে ভ্রমণ করবেন। যিনি প্রথমে সদ্গুরুর সাক্ষাৎ পাবেন, তিনি অপর বন্ধুকে সে সৌভাগ্যের সমাচার দেবেন।

এই সময় গৌতম বুদ্ধ তাঁর সিদ্ধির বাণী ঘোষণা করবার জন্য দেশ বিদেশে ষাটজন শিষ্য পাঠিয়েছিলেন। অস্মজী তাঁদের অন্ততম। এই শ্রমণ রাজগৃহে এসেছিলেন বুদ্ধ প্রবর্তিত ধর্ম প্রচার কর্তে। তাঁর শান্ত ধীর মূর্তি, তপস্যা-পূত কান্তি,

জ্ঞানদীপ্তি উজ্জ্বল চক্ষু, কুমার উপতিস্সকে বিমোহিত করলে। ভক্তি-প্রণত চিত্তে উপতিস্স অস্সজীকে জিজ্ঞাসা করলেন—
কার তরে, সাধু আপনি বৈরাগ্য গ্রহণ করেছেন? কোন্‌
মহাশূলক আপনাকে দীক্ষা দিয়ে ধন্ত্য করেছেন? কী তাঁর
নীতি? আমি জ্ঞান মন্দিরের যাত্রী। কৃপা ক'রে আমাকে
সকল কথা বলুন, আমার দারুণ কৌতুহল চরিতার্থ
করুন স্বামী।

অর্হত অস্সজী তৃষ্ণ হলেন যুবক তত্ত্ব-জিজ্ঞাসুর
আন্তরিকতায়। তিনি অতি সংক্ষেপে সারিপুত্রকে ধর্শ্মের
বাণী শোনালেন—

যে ধন্মা হেতুশ্বভবা
তেসং হেতুং তথাগতো আহ
তেসং চ যো নিরোধো
এবং বাদি মহাসমনো।

সকল স্বভাবের উন্নব, হেতু হ'তে হেতুর কথা বলেছেন
তথাগত। সেই কারণগুলির কিরূপে নিরোধ হ'তে পারে
তাদেরও কথা সেই মহাশ্রমণ বলেছেন।

জীবনের সকল রহস্য এবং তাদের সমাধানের বাণী
লাভের প্রয়াস উপতিস্স সারিপুত্রের জ্ঞান-পিপাসা উদ্দেক
করলে। সত্যই হেতু বিনা কোনো কর্ম হয় না, বীজ বিনা
বৃক্ষ জন্মেনা, বৃক্ষ বিনা ফুল ফোটে না। কামনাই তো
সংসারে অতৃপ্তির কারণ। যার আশা নাই তার নিরাশার

সন্তান। কোথা ? যেখানে মেঘ নাই সেখানে বৃষ্টি হয় না। যুবক ভাবলেন—এই পবিত্র সাধুর মহাশ্রমণ আছেন, যাঁর ইনি শিষ্য। মূল হেতু নিরোধের যিনি উপায় নির্দ্বারণ করেছেন তাঁর দর্শনলাভ হ'তে পারে বহু সুকৃতির ফলে। ঐ বাণীর অন্তর্নিহিত সত্য উপতিস্সের সুচিত্তা-পূষ্ট মনকে উত্তেজিত করলে। জীবন অভিনয় হ'তে ত্রাণ পাবার হেতু তো লুকানো রয়েছে এই বাণীতে। মূল হেতু নিরোধ মুক্তির মূল উপায়, মোক্ষ-দ্বারের চাবি।

নিমেয়ে ভাব-হিল্লোল আঘাত করলে চিত্তের গুপ্ত ভাবভাঙ্গারে। প্রথম চরণ শুনতে না শুনতে উপতিস্স সোতাপত্তি দশা প্রাপ্ত হলেন। প্রাক্তন সুকৃতিই এমন ভাবে অনুপ্রাণিত করতে পারে ভাবুককে।

উপতিস্স সমাচার পেলেন শমগের নিকট মহাশমগের। তিনি সমৃদ্ধ তিনি করণাঘন। ক্লিষ্ট মানব সমাজের হিতের জন্য তিনি তাঁর জ্ঞানের দীপশিখা শিষ্যদের হাতে দিয়ে দিগ্দিগন্তে পাঠাতে মনস্ত। যে সত্য তাঁকে নির্বাণ দান করেছে সে সত্য তিনি জগতকে দান করতে কৃতনিশ্চয়।

উপতিস্স এ সৌভাগ্যের অংশ দিলেন বাল্যবদ্ধ, জ্ঞান-পথের সহযাত্রী কোলিতকে। আনন্দ শিহরণে মোগ্গল্লানও সোতাপত্তি ফল প্রাপ্ত হলেন। দুই বন্ধুর হৃদয় তখন বিস্তৃতি লাভ করেছে। করুণা ও মেত্রীর শিক্ষক, বিশ্বজনের বন্ধু, রাজ-পুত্র গৌতমের ধর্মের কথা অপরের কানে তোলবার আগ্রহ

প্রকাশ পেলে এই দুই যুবকের চিত্তে। সংঘয় তাঁদের শিক্ষাগুরু, জ্ঞানাঞ্জন শলাকা ছিল তাঁর হাতে। তাঁরা কৃতজ্ঞ। সুখের বন্ধা উপরে ক্ষুদ্র হৃদয়ে আবক্ষ থাকতে পারে না। সারিপুত্র এবং মোগ্গলান তাঁকে এ সমাচার জানালেন। কিন্তু তিনি বুঝ। নৃতন গুরু খুঁজে আবার নৃতন দীক্ষা নিতে তিনি প্রস্তুত ছিলেন না। নবীন দুজন ভগবানবুদ্ধের সন্ধানে বাহির হলেন।

সিদ্ধার্থ তখন রাজগৃহ রাজ্যের অন্তর্বর্তী বেণবনে ছিলেন। এঁদের আগ্রহ এবং আন্তরিকতায় তিনি প্রীত হ'লেন। তাঁদের সঙ্গে স্থান দিলেন। যুবকেরা সন্ন্যাস গ্রহণ করলেন। সেই দিনই নাকি প্রভুর ধর্মব্যাখ্যা শুনে এই দুই নবীন সন্ন্যাসী ব্যতীত, সেই সঙ্গের সকল ভিক্ষু অর্হত লাভ করেছিলেন।

লোকে সারিপুত্র এবং মোগ্গলান নামেই এই দুই ভিক্ষুকে অভিহিত করত। মোগ্গলান প্রভুর কর্তৃণায় প্রথমেই অর্হত লাভ করেছিলেন, সঙ্গে প্রবেশের সাত দিনের মধ্যে। তার এক সপ্তাহ পরে সারিপুত্র অর্হত হলেন। বুদ্ধভগবান সকল শিষ্য একত্র ক'রে সারিপুত্র এবং মোগ্গলানকে প্রধান শিষ্যদের সম্মান দান করলেন। সে সভায় প্রভু বলেছিলেন—

এতদগ্গং ভিক্ষবে মম সাবকানং মহা পঞ্চানং

যদিদং সারিপুত্র

এতদগ্গং ভিক্ষবে মম সাবকানং ইক্ষিমন্তানং যদিদং মহা

মোগ্গলানো।

হে ভিক্ষুবর্গ জ্ঞানী ভিক্ষু এই যে সারিপুত্র একে আমি

ভিক্ষুদের অগ্রণী করলাম। এই ইক্ষিমন্ত ভিক্ষু মহামোগ্গল্লানও ভিক্ষুদের অগ্রণী।

বুদ্ধতত্ত্ববাদের এই দুই যুবককে ভিক্ষু অগ্গ মনোনৌত করার মূলে ছিল, এঁদের জ্ঞান এবং সাধন মার্গে উন্নত অবস্থা। সারিপুত্রের কঠস্বর ছিল সুমধুর, প্রভু বুদ্ধের মত। তাঁর ব্যাখ্যা এবং বাণী প্রভুর গভীর স্বর এবং দীপ্তি জ্ঞান স্মরণ করিয়ে দিত শিষ্যদের।

মহামোগ্গল্লান ছিলেন ঋকি-পতি। তিনি অনেক অলৌকিক বিভূতির অধিকারী হয়েছিলেন তপস্থা বলে। তিনি বন্য পশু এবং হিংস্র সর্পকে বশীভূত করতে পারতেন, ইচ্ছামত ছদ্মবেশ গ্রহণ করতে পারতেন। তিনি অদৃশ্য হ'তে পারতেন, আবার অভিজ্ঞ মত লোক-গোচরীভূত হতে পারতেন। অবশ্য যোগের এ সব বিভূতি নিম্নস্তরের। কিন্তু প্রকৃত জ্ঞান এবং নির্বাণের জ্যোতি এই অর্হতের অন্তরাঙ্গা উদ্ভাসিত করেছিল।

দুই বন্ধুর মধ্যে সারিপুত্র ছিলেন সরল অনাড়ম্বর। মহামগ্গল্লানের কিন্তু শৃঙ্খলার প্রতি সবিশেষ দৃষ্টি ছিল। সুশৃঙ্খলতা সংযম ব্যতীত অসম্ভব। সজ্জর বন্ধন-রজ্জু নিয়ম এবং শৃঙ্খলা। সজ্জের চরম লক্ষ্য শান্তি। মহামোগ্গল্লান চিত্তে স্থি পোষণ করতেন নিঃসন্দেহ। কারণ সাধক মাত্রেরই হৃদয় মধুময়। কিন্তু তাঁর শাসন ছিল কঠোর। নিয়মানুবর্ত্তিতার উপকারিতা সজ্জ জীবনে প্রচুর। গল্প আছে, এক পূর্বজন্মে যখন গৌতমবুদ্ধ

অনোমদর্শী বৃদ্ধরূপে ধর্মপ্রচার করতেন, এঁরা উভয়ে তাঁর শিষ্য ছিলেন। সেই জন্মে এঁদের উচ্চাভিলাষ ছিল, কোনো ভবিষ্যত জন্মে এঁরা বুদ্ধের প্রধান শিষ্য হবেন। সেই জন্মান্তরের বাসনা, সাধনার সুস্থিতিতে, সিদ্ধ হয়েছিল তাঁদের সেইদিন যে দিন গৌতম বল্লেন এঁরা ভিক্ষ-অগ্গ।

সারিপুত্র এবং মহামোগ্গল্লান বহু সদ্গুণে ভূষিত ছিলেন। ধর্মের জন্য তাঁদের অনেক ক্ষেত্রে নির্যাতিত হতে হয়েছিল। কিন্তু তাঁরা জানতেন

নহি বেরেন বেরানি সম্মতীধ কুদাচনঃ
অবেরেন চ সম্মতি এস ধম্মো সন্মতনো।

বিদ্বেষ দ্বারা কখনও বিদ্বেষ প্রশংসিত হয় না। দ্বে-
হীনতার দ্বারাই বিদ্বেষ প্রশংসিত হয়। ইহাই সনাতন ধর্ম।
একবার সারিপুত্রকে এক ব্রাহ্মণ প্রহার করেছিল। কিন্তু
যেমনি তিনি ক্ষমা-সুন্দর চক্ষে ব্রাহ্মণের প্রতি চাহিলেন,
বেচারা অনুত্তাপে দঞ্চ হয়ে সারিপুত্রের পদতলে নিপত্তি হ'ল।
মনে পড়ে শ্রাচৈতন্যের অহিংসার বাণী—মেরেছ বোক্তনোর
কানা, তা'বলে কি প্রেম দেবনা।

এঁরা বহুদিন প্রাণধারণ করেছিলেন। যে বৎসর বৃদ্ধ-
ভগবানের মহাপরিনির্বাণ হয়, সেই বৎসর এঁদেরও দেহ-মুক্তি
হয়েছিল। অস্তিম দিন আগতপ্রায় বুঝে কার্তিক পূর্ণিমার দিন
সারিপুত্র, পুত্রের কর্তব্য কথা স্মরণ করলেন। তিনি সশিষ্য
তাঁর নিজগৃহে উপস্থিত হ'লেন। বৃদ্ধা জননীকে তিনি মুক্তি

মার্গের সমাচার দিলেন। করুণাময় মহাযোগী ভগবান বুদ্ধের কথা শোনালেন। ভাগ্যবতী সোতাপত্তি লাভ করলেন। সংজ্ঞালাভ ক'রে তিনি বৌদ্ধধর্ম গ্রহণ করলেন। মাতার সাক্ষাতকারের পরদিন পুত্র পরিনির্বাণ লাভ করলেন।

মৌদগল্যায়নও কিছুদিন পরে দেহ রক্ষা করলেন। যখন তিনি ধ্যানমগ্ন, কোনো দৃষ্ট লগ্নড়াঘাত করলে তাঁর শিরে। দেহ ক্ষত বিক্ষত হল, অঙ্গ চূর্ণ হল। ধ্যানমগ্ন শমণ, চিত্তবৃত্তি নিরুক্ত, বাহিরের সমাচার সংবাদবাহী স্নায় তাঁর মনের গোচরে পৌছে দিতে পারলে না—বহির্জগতের সমাচার, দেহের নির্ধাতনের নির্দারণ কথা। কিন্তু কর্ম-কারণের বন্ধন অচ্ছেদ্য। দেহের নিয়ম রক্ত মাংস বসা অঙ্গিকে নিয়ন্ত্রণ করে। যখন ধ্যান ভাঙলো ঝরি দেখলেন দেহ ভেঙেছে। ঝর্দির সকল শক্তি নিয়োজিত ক'রে বুদ্ধ সমীপে উপস্থিত হলেন জরাজীর্ণ শিশু। তাঁর চরণে প্রণতির পর, শিশির বিন্দু মহাসাগর সলিলে আত্মসমর্পণ করলো। গেল দেহ, রহিল অক্ষয় কৌর্তি যা আজিও মানব মনকে উন্নিসিত করে। আজিকার দিনে এই ভাবে দেহ-মুক্ত হয়েছেন মহাত্মা গান্ধী।

সারি পুত্রের অস্তেষ্টি ক্রিয়া মহা সমারোহে সম্পন্ন হয়েছিল। বহু রাজা মহারাজা শ্রমণ ও দরিদ্র গ্রামবাসী এই শ্রদ্ধেয় মহা প্রাণকে শ্রদ্ধা নিবেদন কর্বার জন্য তাঁর চূলিতে সুগন্ধ চন্দন কাঠ দিল, সুবাসিত দ্রব্যের অর্ঘ্য দিল। সুবাসে দিগ্দিগন্ত আমোদিত হল। সুরভিত জলে

তাঁর চিতার আগুণ নির্বাপিত হ'ল। তক্ষু চন্দন ভস্মাবশেষ একত্র ক'রে সে গুলি শ্রাবণ্তি নগরে নিয়ে গিয়ে আনন্দের হাতে সমর্পণ করলেন। তাঁরা গঙ্ককুটিতে গিয়ে তাঁর প্রিয় শিশুর চিতার ছাই প্রভুর হস্তে সমর্পণ করলেন। তিনি সেই শেষ দেহাবশেষ দক্ষিণ করে ধারণ করে বিহারের ভিঙ্গগণকে বল্লেন—পবিত্র সারিপুত্রের দেহাবশেষ অবলোকন কর। তাঁর হৃদয় ছিল দীন, শিশুর মত সরল। নিজের দেহের প্রতি তাঁর কোনো আস্তি ছিল না। দেহকে তিনি ঘৃণা করতেন। তিনি আপনাকে গৃহস্থারে বিছানো পাপোষ মনে করতেন যাতে সবাই তাঁকে পদদলিত করে যায়। জল যেমন কাকেও ঘৃণা করেন। সকলকে শুন্দি করে, তেমনি ছিলেন সারি-পুত্র। বায়ু যেমন কাকেও ঘৃণা করেন। সকলকে ব্যজন করে, তেমনি তাঁর হৃদয় অসীম করণ্যায় পূর্ণ ছিল। তিনি পরার্থপর ছিলেন, কৃতজ্ঞ ছিলেন, সকলকে সান্ত্বনায় তৃষ্ণ করতেন। তিনি ক্লিষ্ট, ব্যথিতকে বিশেবরূপে ভালবাসতেন। বিষণ্ণর মুখে তিনি হাঁসি ফোটাতেন। তিনি সবার মিত্র ছিলেন—সবার জননী ছিলেন। তাঁকে তোমরা পূজা করো।

তথাগত তাঁর দেহাবশেষ রক্ষা করলেন জেত কুঞ্জে একটি স্তুপে।

তার এক পক্ষ পরে যখন মহা মোগ্গলানের দেহ পঞ্চত্ব প্রাপ্ত হ'ল, সে দেহাবশেষ তিনি রাজগৃহে একটি স্তুপের মধ্যে রক্ষা করলেন।

বুদ্ধ ভগবানের স্পর্শ ধন্ত, সেই দেহাবশেষ পরে সঁচিতে পাওয়া গিয়াছে। তাঁদেরই উপলক্ষ করে এবংসর কলিকাতায় উৎসব।

বৌদ্ধধর্ম প্রথম প্রচারের ইতিহাসে প্রভু বুদ্ধের এই ছটি প্রধান শিষ্যের গুণপন্নার যথেষ্ট পরিচয় পাওয়া যায় ইতিহাসে ও সাহিত্যে। যখন গৌতমের পুত্র রাহুল পিতার নিকট পরমধন-দাবী করলেন উত্তরাধিকারী স্বত্রে, প্রভুবুদ্ধ সারিপুত্রকে আদেশ দিলেন রাহুলকে দীক্ষা দিতে। পটাচারী নামক একজন কুমারী প্রচার করেছিলেন, যদি কোন গৃহী যুবক তাকে তর্কে হারাতে পারেন তিনি তাকে বিবাহ করবেন, আর যদি কোনো সন্ন্যাসী তাকে তর্কে পরাজিত করতে পারেন, তিনি সন্ন্যাসিনী হবেন। সারিপুত্র তাকে পরাত্ত করেছিলেন। কুমারী পটাচারী সঙ্ঘে প্রবেশ করেছিলেন। উক্ত আছে যখন বুদ্ধভগবান তিনি মাস স্বর্গে অভিধন্ম প্রচার করতে গিয়েছিলেন সে সময় সারিপুত্র এবং মহামোগ্গম্বান তাঁর সঙ্গে সাক্ষাৎ করতে গিয়েছিলেন। তাঁরা সমাচার এনেছিলেন যে প্রভু সাবখির সন্নিকটে সংকস্ম নামক স্থানে অবতরণ করবেন। সারিপুত্র এবং মহামোগ্গম্বানের প্রচার শক্তির উপর ভগবানের যথেষ্ট বিশ্বাস ছিল। তাঁর শরীরের জীর্ণতার ব্যথায় এঁরা প্রভুর দেহসেবা করতে চেয়েছিলেন। সঙ্ঘের কর্ম শিথিল হ্বার তয়ে তিনি এঁদের সেবা গ্রহণ করেন নি। সে সৌভাগ্যের অধিকারী হয়েছিলেন আনন্দ। যমক নামক

এক শিষ্য যখন ধর্ষের প্রকৃত উদ্দেশ্য বিকৃত করছিলেন
সারিপুত্র তাকে প্রকৃত পথের সন্ধান দেন।

পিণ্ডপাত পরিমুক্তি স্থুতে উক্ত হয়েছে যে সঙ্গে শিষ্যকে
কিরাপে পূর্ণ জ্ঞান সম্বন্ধে শিক্ষা দিতে হবে ভগবান তথাগত
সারিপুত্রকে সে উপদেশ দিয়েছিলেন। এই স্থুতি সেই
উপদেশে পূর্ণ।

বুদ্ধবংশ নামক গ্রন্থে গৌতমবুদ্ধের প্রাক্তন ২৪ জন বুদ্ধের
কথা এবং তাঁর নিজের সম্বোধি লাভের ইতিহাস বর্ণিত আছে।
এ সব কথা তিনি বলেছেন সারিপুত্রের প্রশ্নের উত্তরে।

সারিপুত্রের সিংহনাদ ইতিহাস প্রসিদ্ধ। তিনি সিংহনাদে
বলেছিলেন—হে প্রভু, প্রভুর প্রতি আমার প্রভূত ভক্তি।
এমন কেহ কখনো ছিলেন না, এখনও নাই এবং ভবিষ্যতেও
এমন দ্বিতীয় শ্রমণ বা বান্ধব জন্মাবেন না যিনি সম্বোধির
পথে আমার প্রভু অপেক্ষা অধিক জ্ঞানী।

মোগ্গল্লান ঝদ্বি পতি ছিলেন। কিন্তু তাঁর ঝদ্বির ফলে
অঘটন ঘটাতে দিতেন না ভগবান। জীবনের ধারা পরিবর্তনের
উপায় সাধনা। একবার দুর্ভিক্ষের সময় মহামোগ্গল্লান
যোগবলে খাত্তি সংগ্রহের প্রস্তাব করেছিলেন। কিন্তু প্রভু
তাকে বিরত করেন। ভিক্ষুরা অন্তদেশ হতে ভিক্ষা ক'রে
বুভুক্ষুর সেবা করেছিলেন।

বৌদ্ধ সাহিত্যের মধ্যে মোগ্গল্লান এবং সারিপুত্রের
সঙ্গে কথাবার্তায় বহু তথ্য বিবৃত হয়েছে। মোগ্গল্লান

সাধনার ফলে বহু পারলৌকিক শক্তি অর্জন করেছিলেন। মজ্বিম নিকায়তে বর্ণিত হয়েছে যে ইন্দ্র তাকে বৈজয়ন্তী প্রাসাদ নির্মাণের সমাচার দিয়েছিলেন। এ প্রাসাদ দেবাস্তুর যুক্তে, অস্তুরদের পরাজয়ের পর, নির্মিত হয়েছিল। তার একশত চূড়া ছিল, সাতশত কুর্ঠাগার ছিল—ইত্যাদি।

অঙ্গুত্তরনিকায় গ্রন্থ পাঠে জানা যায়, যে কোন্ কোন্ সৎকর্মের অনুষ্ঠানে কিরূপ স্বর্গলাভ হয় সারিপুত্র সে সমাচার দিয়েছিলেন। দানকরা বস্ত্রে আসক্তি রেখে পরকালে ভোগ এবং অর্থের লোভে যে দান করা হয়, তাতে মাত্র চতুর্ম্মহারাজিক দেবতাদের স্বর্গে কিছুদিনের জন্যে বাস করা যায়। কিন্তু যারা বুদ্ধ, ধর্ম এবং সভ্যের পূর্ণ ভক্তি ও আনুগত্য অর্জন করেছে তারা সম্মোধি লাভের উপযুক্ত।

প্রথম যুগের বৌদ্ধদের মধ্যে মহামোগ্গলান প্রসিদ্ধ থের ছিলেন সে বিষয় বহু গ্রন্থে উল্লেখ আছে। বিজ্ঞানবিদ্যা সংহিতার এক কাহিনী এই যে যখন বুদ্ধভগবান রাজগিরে বাস করতেন তখন এক উপাসক এবং তার কন্যা মহামোগ্গলানকে অত্যন্ত শ্রদ্ধা করতেন। এক দিন ভিক্ষুকে ফল ও মিষ্টান্ন দ্বারা পরিতৃষ্ণ ক'রে, উপাসকের কন্যা দেহত্যাগ করেন কারণ তার কর্মের অন্ত হয়েছিল। তিনি তাবতিংস (এয়োত্রিংশ) স্বর্গে স্থান পেয়েছিলেন। এ কাহিনীগুলি শ্রদ্ধা নিবেদন।

এ গ্রন্থে একটি নারীর কথা আছে। তিনি একটি ভিক্ষুকে সুমন পুষ্প উপহার দিয়েছিলেন। সে পুণ্যে তিনি স্বর্গের

অপ্সরা হয়েছিলেন। পরে স্বর্গে মহামোগ্গলানের মুখে ধম্ভের বিবৃতি শুনে উচ্চতর পবিত্রতা লাভ করেছিলেন।

মহামোগ্গলান স্বর্গে এক শ্বেত হস্তীর পৃষ্ঠে এক দেব-পুতুর দেখেছিলেন। কি সুকর্ম ফলে তাঁর এমন উত্তম দশা হল একথা জিজ্ঞাসা করলেন মহামোগ্গলান। বুদ্ধ দেবের আবির্ভাবের পূর্বে কশ্যপ বুদ্ধের এক স্তুপ ছিল কাশীতে। কাশীধর কিকী প্রতাহ রাশি রাশি ফুলের অর্ঘ্য দিতেন স্তুপপাদ মূলে। দেশে পুষ্প অতি বিরল হ'ল। সেই উপাসকটি বহু যত্নে মাত্র আটটি ফুল সংগ্রহ ক'রে স্তুপে অর্ঘ্য দিয়েছিলেন। সেই পুণ্যে তিনি স্বর্গে দেবপুত্র হ'য়ে শ্বেতহস্তী আরোহণের অধিকার লাভ করেছিলেন।

সংযুক্ত নিকায়ে উক্ত হয়েছে সারিপুত্র ও মহামোগ্গলানের প্রতি ঘৃণা প্রকাশ করার জন্য কোমাবিক নামক এক ভিক্ষুকে পদ্মনিরয় নরকে বাস কর্তে হয়েছিল।

মোট কথা, যে ছুটি ভিক্ষুর অবশেষ স্তুপে প্রত্যর্পণের উৎসব হ'বে, বৌদ্ধ ইতিহাসে তাঁদের স্থান উচ্চে। বিমান-বন্ধুতে সারিপুত্র সম্বন্ধে অলৌকিক শক্তির কথা আছে। এক শেষের পল্লী তাঁকে ভোজন করিয়ে গ্রিশ্য লাভ করেছিলেন। অর্থাৎ তাঁর সেবা পুণ্যকর্ম একথা বলা হয়েছে।

অশোক

সাঁচির সঙ্গে মৌর্য বংশের রাজ-চক্রবর্তী মহামতি অশোকের স্মৃতি বিজড়িত। সাঁচি বা ভারতবর্ষ কেন, মানব সভ্যতার ইতিহাসে প্রিয়দর্শী অশোকের সাম্রাজ্যকাল এক স্মরণীয় যুগ। দক্ষিণ এবং পূর্ব এশিয়া এক অনন্ত কৃষ্ণির বন্ধনে আবদ্ধ হয়েছে অশোকের দুর্দৃষ্টি এবং প্রিয়দৃষ্টির অনিবার্য ফলে। অশেষ জাতির মানব বাস করে পৃথিবীর এ ভূখণ্ডে। নানা ভাষা ও সামাজিক রীতি এদের পৃথক করে রেখেছে নিঃসন্দেহ। কিন্তু চীন হ'তে ভারতবর্ষ পর্যন্ত সকল দেশের সংস্কৃতি বিশ্লেষণ করলে সবার মাঝে এক মূল স্বরের সন্ধান পাওয়া যায়। সে স্বর অহিংসার স্বর, বৌদ্ধ নীতির স্বর। মানুষ কোনো দিন আদর্শের সঙ্গে চরিত্রের সামঞ্জস্য করতে পারে না। কিন্তু প্রাচ্যের ইতিহাস আলোচনা করলে বোঝা যায়, ভারত, শ্রাম, বর্মা, সিংহল বা তিব্বত আধুনিক জড়বাদের চাক-চিক্কে ক্ষণিকের তরে দৃষ্টি হারাবার পূর্বে, তদু সচরিত্র নিরূপদ্রব লোকের বাসস্থান ছিল। জাপান একটু দ্রুত পাশ্চাত্যের প্রভাবে আধুনিক হয়েছিল, সে পাপের প্রায়শিত্তের দিনও এসে পড়েছিল দ্রুত। এই নিরীহ নিরূপদ্রব সভ্যতার কারণ বৌদ্ধধর্ম। তার বিস্তারের যশ সংগ্রাট অশোকের। মানুষ প্রতু যৌনকে যত শীঘ্র জীবনের উৎস মূল হতে সরিয়েছে

বুদ্ধগবানকে তত শীঘ্র ভুলতে পারেনি। ভারতবর্ষে বুদ্ধোত্তর যুগে মহাত্মা গান্ধী অবধি বহু মহাপুরুষ বিভিন্ন কালে অহিংসা, নীতি পথ, পুনর্জন্মবাদ এবং কর্মফলের প্রভাবের কথা শিক্ষা দিয়েছেন। ভারতের বাহিরের কথা ছেড়ে দিলে ভারতবর্ষের বিভিন্ন প্রদেশ অশোকের পূর্বে কোনো দিন এক রাজচন্দ্রের তলায় সংহত ভাবে আশ্রয় গ্রহণ করেনি।

অসংখ্য বিহার, স্তপ, স্তন্ত্র, এবং স্তন্ত্র-লিপি এ যুগের লোকের হস্তগত হয়েছে। তাদের মধ্যে বহুলাংশ অশোক যুগের স্ফুট। সর্বাপেক্ষা মূল্যবান সামগ্ৰী তাঁর শিলালিপি। কতকগুলি স্তন্ত্র এবং শিলাখণ্ড আজিও বর্তমান, যারা বক্ষে ধরে আছে প্রায় বাইশ শত বৎসর রাজোশ্চর অশোকের অনুশাসন। রাজা প্রজার সম্পর্কের কথা, মানুষের হৃদয়ে কেমন মৈত্রীর ভাব বিরাজ করবে, পশ্চ পক্ষীর প্রতি কেমন ব্যবহার সুষ্ঠু সে শিক্ষা, কেমন কৃপা চিত্তে তাঁর প্রজাদের পরস্পরের প্রতি ব্যবহার করতে হবে সে উপদেশ। বলা বাহুল্য এসব লিখিত উপদেশ সকল দেশে, সকল যুগে, সকল নরনারীর পক্ষে হিতকর। এতদ্বাতীত অশোক শিলা হতে সে কালের সামাজিক, রাজনৈতিক এবং নিত্য আচরিত কর্মধারার অমোঘ সন্ধান লাভ করা যায়।

মৌর্যবংশীয় সুবিখ্যাত বৌর-কেশরী রাজা চন্দ্রগুপ্ত পৌত্র মহারাজা অশোক। তাঁর পিতা রাজা বিন্দুসার নিজ জনকের

পদাঙ্কানুসরণ করে শান্তিতে রাজ্য শাসন করতেন। মৌর্য সিংহাসনের প্রধান স্তম্ভ ছিলেন পণ্ডিত চাণকা। বিশ্ব-বিজয় হ'তে আত্ম-বিজয় অবধি সকল বিষয়ে সাফল্যের সূত্র চাণক্য পণ্ডিতের অমর মস্তিষ্ক উদ্ভাবন করেছিল।


অশোক সম্বন্ধে বহু কাহিনী আমরা শুনি। তাদের মধ্যে কোনটি ঐতিহাসিক সত্য আর কোনটি কাল্পনিক ইতিকথা, তা বোবার কোনো উপায় নাই। সাম্রাজ্যবাদীরা, জড়বাদী সভ্যতার পোষক লোকপাল বা ভূপতিরা, আপনাদের কীর্তিকথা সজীব রাখিবার জন্য যে ব্যবস্থা অবলম্বন করেছেন ভারতবর্ষ সে প্রথা কোনো দিন অনুসরণ করেনি। তাই আধুনিক কৃষ্ণির মানে কোনো দিন ইতিহাস প্রস্তুত করতে যত্নবান হয়নি ভারতবর্ষের পণ্ডিত শ্রেণী। অধিকাংশ ইতিহাস সিংহের নিজের তুলিকায় অঙ্গিত তার আপনার চিত্র। প্রাচীন ভারতবর্ষের কোনো লিখিত পুঁথিতে সমসাময়িক বৌরের বিষয় লেখা নাই, তার অদম্য সাহস কত বিধুরীর মুণ্ডপাত করেছিল, কত দেবমন্দির ধ্বংস করেছিল, শক্রর শোণিতশ্রেণে কত রক্তনদীর উৎসে ধরাতল রঞ্জিত করেছিল। কিন্তু মহামানব-পূজার প্রবৃত্তি মানব মনের সহজ উপাদান যেমন অত্যাচারীর প্রতি ঘৃণা বা হিংসা সহজাত বৃত্তি। তাই পূজনীয় এবং ঘৃণ্য উভয়কে ঘিরে নানা গল্প ও ইতিকথা ঐতিহাসিক বংশ পরম্পরায় বিস্তার লাভ করেছে। কথকের কল্পনা, সত্য নিষ্ঠা, রসিকতা তাদের উপর রঙ্গপরঙ্গ চাপিয়েছে।

কাজেই প্রথাটা মারাত্মক। স্তোবকের স্মৃতি এবং নিন্দুকের নিন্দা উভয়েই সত্যানুসন্ধানের প্রতিবন্ধক। প্রাচীন ভারতবর্ষের ইতিহস আলোচনার এই বিপদ। বিদেশী প্রভৃতিদের অপরিশ্রান্ত অধ্যাবসায়, নিষ্ঠা এবং জ্ঞান পিপাসা বহুদিন ভারতবর্ষের প্রাচীন ইতিহস উকারে যত্নশীল। কিন্তু সে পণ্ডিতদের সাফল্যের কতকগুলি অন্তরায় ছিল। তাঁদের ঘোবনের শিক্ষার মূল বিষয় গ্রীক ও লাটিন মাহাত্ম্য। যবন ও রোমক সভ্যতার ঐতিহ্য তাঁদের নিজেদের সমাজের ভিত্তি এবং আদর্শ। যে ভারতবর্ষকে তাঁরা দেখেছিলেন সে দেশে দ্বন্দ্ব কোলাহল অঙ্গতা এবং দাসত্ব অবাধে মানুষকে অধঃপাতে যাবার সহায়তা করেছিল। অধঃপতিত ভারতবাসীর কোনো পূর্বপুরুষ জ্ঞানে, ধর্মে, শিল্পে বা সাহিত্যে নৃতন কোনো দানে জগৎকে তৃষ্ণ বা উন্নত করতে পারে, এ ধারণা প্রায় অসম্ভবতার গওয়ার ধারে গিয়ে পৌছেছিল। তার উপর গ্রাক-কমপ্লেক্স। সুতরাং সকল ক্ষেত্রেই তাঁরা দেখতেন যাবনিক গুরুগিরি। তাঁরিখ সম্বন্ধেও বেদ প্রভৃতির অতি প্রাচীনত্ব বিশ্বাস করেননি বহু পাঞ্চাত্য পণ্ডিত।

অশোকের রাজত্বকালের সময় নিরূপণ সম্বন্ধেও নানা মুনি নানা মত প্রকাশ করেছেন। তাঁদের মধ্যে কোন্মত আন্ত, কোন্টি অভ্রান্ত, সে সম্বন্ধে রায় দেবার মত শক্তি বা সামর্থ্য আমার নাই। তাই নিম্নে একটি তালিকা দিলাম।

সিংহদলৰ বোকগৱাচৰ সামৰিপুট দে জোগ গৱাচৰ প্ৰিৰতি আবৈত হৰ্জন





প্রস্তাবিত ?চট্টাগরি বিহার—দধায় ভূমাদুষ বক্ষিক্ষত হাবে, এবং দুই লজ্জ টাকা বায়ে নিমিত্ত হবে

	বুদ্ধগবানের মহাপরিনির্বাণ	চন্দ্রগুপ্তের অভিষেক	অশোকের রাজ্যাভিষেক
কানিংহাম	৪৭৮ খঃপূঃ	৩১৬ খঃপূঃ	২৭০ খঃপূঃ
মাঝমূলার	৪৭৭ খঃপূঃ	৩১৭ খঃপূঃ	২৫৯ খঃপূঃ
ভিন্সেন্ট স্মিথ	৪০৩ খঃপূঃ	৩২২ খঃপূঃ	২৬৮ খঃপূঃ
ফ্লীট	৪৮৩ খঃপূঃ	৩২১ খঃপূঃ	২৬৫ খঃপূঃ
সিংহলী মত	৫৪৩ খঃপূঃ	৩২২ খঃপূঃ	২৬৫ খঃপূঃ
রমেশ দত্ত	৪৭৭ খঃপূঃ	৩২৩ খঃপূঃ	২৬০ খঃপূঃ
ডাঃ টমাস	৪৮৩ খঃপূঃ	৩২২ খঃপূঃ	২৬৯ খঃপূঃ
পণ্ডিত নেহেরু	৫৪৪ খঃপূঃ	৩২১ (?)খঃপূঃ	২৭৩ খঃপূঃ

একশ্রেণীর ভক্ত আছে যারা আরাধ্যের উন্নত জীবন লাভের পূর্বের অবস্থাকে অতি ভীষণ ভাবে বর্ণনা করে। অশোকের ধর্মান্তরের পরের অবস্থা এবং পূর্বের অবস্থা, বিজ্ঞাপনের ওষধ সেবনের পরের অবস্থা এবং পূর্বের অবস্থার ছটি চিত্রের সঙ্গে তুলনা করা যেতে পারে। একটা উদাহরণ দিই, ভারতের মহা এবং হীনযান উভয় বৌদ্ধ সম্পদায় প্রিয়দর্শী রাজা অশোকের নামে মুক্ত হয়। কিন্তু তারা ভালবাসে বৌদ্ধ অশোককে। তাই এক সিংহলী ইতিহাসে উক্ত হয়েছে যে তাঁর ধর্মান্তরের পূর্বে অশোক এত ভীষণ নির্ষুর ছিলেন যে তিনি তাঁর নিরানবইটি ভাইকে হত্যা করেছিলেন। অথচ তাঁর এডিক্টে ও শিলালিপিতে আমরা প্রিয়দর্শীর আত্মপ্রেম ও আত্ম নামের উল্লেখ পাই। এই এক কম একশতটি নিহত

রাজপুত্রের পর বাকীগুলি এলো কোথা হ'তে? নেপালী সাহিত্যের আশোক অবদান এক প্রসিদ্ধ গ্রন্থ। তার মতে বৌদ্ধ ধর্ম গ্রহণের পূর্বে নিষ্ঠুর অশোক বহু রাজ কর্মচারী, সেনা-নায়ক, তাদের ভাষ্যা এবং বহুলোককে, বিচিত্র কঠোরতার পরিকল্পনার ফলে নিহত করেছিল। বলা বাহুল্য এ সব গল্প অলৌক এবং ভিত্তিহীন।

প্রিয়দর্শীর ধর্ম গ্রহণের কাল সম্বন্ধেও ঐতিহাসিক মুনিরা একমত নন। তাতে প্রজ্ঞতত্ত্ববিদ্বের সত্যের প্রতি অহুরাগ সূচিত হয় কিন্তু সাধারণ পাঠক গবেষণার গোলক ধাঁধায় পড়ে। অবশ্য সময় অনন্ত। বৎসর মাস এবং তিথি কী করে?

মোট কথা রাজ-চক্ৰবৰ্ত্তী অশোক যে কীভিত্তি রেখে গেছেন তা দেশ কালের গঙ্গী ছাড়িয়ে আজিও সমগ্র এসিয়াকে শিহরিয়ে তোলে। তাঁর পূর্বে এবং পরে বহু রাজা এবং অনেক জাতি বিশাল সাম্রাজ্য রচনা করেছে। তাঁর সমকালে পিউনিক যুদ্ধের রক্ত স্ন্যোতের ভিতর দিয়ে সাম্রাজ্যের ভিত্তি দৃঢ় করেছিল রোম। আন্তিম যোন রাজা সিংহাসন রক্ষার জন্য নানা উপায় উন্নাবন করেছিলেন। ডিওডেটাসের বিজ্বোহে সিরিয়ার অধীনতা হতে মুক্ত হয়ে বাক্ত্রিয়া স্বাধীনতা অর্জন করেছিল। কিন্তু প্রেমের বন্ধনে, অহিংসার মন্ত্রে, বহুজাতি, বহুদেশ, বহুস্তরের সভ্যতাকে এক কৃষ্ণ ডোরে বেঁধে, এক অতি মহান বিরাট আদর্শকে মহারাজা অশোক প্রাণবন্ত করে

ছিলেন। জগতের অপর কোনো নেতা সেকুপ কার্যে সাফল্য লাভ করতে পারেন নি। এ যুগে যে রাষ্ট্রনীতির জন্য মহাত্মা গান্ধী প্রাণ উৎসর্গ করেছিলেন রাজ-চক্ৰবৰ্জী অশোক সে যুগে প্রমাণ করেছিলেন তার সজীবতা, তার সাফল্যের সন্তাবনা। তাই মনে হয় মানবজাতির মুক্তির মন্ত্র কারুণ্য, মৈত্রী, অহিংসা।

কিন্তু অশোকের অসাধারণ সাফল্যের মূল কারণ ভুললে চলবে না। অশোক মাত্র যন্ত্র ছিলেন। যন্ত্রী ছিলেন ধ্যান-গন্ত্বীর, করুণাঘন, বিশ্ব-প্রেমিক, সত্যদর্শী, ভিথারী রাজপুত্ৰ—ভগবান বুদ্ধ। থেরীগাথায় মাতা গোতমী কৃত বন্দনা মৰ্মগ্রাহী। নিশ্চয় তারই মত অশোক বুঝেছিলেন—

সববচক্থং পরিগ্রাঙ্গাতং হেতুতণ্হা বিসোসিতা ।

অরিয়ঠঙ্গিকো মগ্গো নিরোধো ফুসিতোময়া ॥

সৰ্ব দুঃখের হেতু পরিজ্ঞাত। তণ্হার হেতু শুক্ষ হয়েছে দুঃখের নিরুত্তিদায়ক আর্য অষ্টাঙ্গমার্গ আমি জেনেছি।

এই তৃষ্ণা নিরুত্তির জন্য অশোকের আরও ভূখণ্ড জয় করবার বাসনা ছিল না। সাফল্য আরও সাফল্যের তৃষ্ণা বাঢ়ায়। তাঁরই মত এক দিঘিজয়ী সন্দ্রাট দুঃখ করেছিলেন যে তাঁর জয় করবার আর দেশ নাই। এই খানে অশোকের শোকহীনতা। বিগতস্পৃহ ব্যক্তিই অশোক হ'তে পারে, সে রাজাধিরাজই হক আর পথচারী ভিথারীই হক। বুদ্ধবীরের অমোঘ নীতিই ভারত ভুবনেশ্বরকে ভিক্ষু করতে পেরেছিল।

আমাদের সাথী প্রসঙ্গে মহারাজা অশোকের সমন্ত কার্যের আলোচনা নিষ্পত্তিয়োজন। তবে ঠার সুকর্মরাজি পরম্পরের সঙ্গে এমন ওতপ্রোত ভাবে গ্রহিত যে সংক্ষেপে তাদের উল্লেখ আবশ্যিক।

মহামতি প্রিয়দর্শী সাইবেরিয়া হতে সিংহল অবধি অসংখ্য বিহার প্রতিষ্ঠা করেছিলেন। মগধ রাজ্যের রাজধানী ছিল পাটলিপুত্র। মগধাধিপতি অশোক নিজের রাজধানীর আশেপাশে এত বিহার রচনা করেছিলেন যে এই প্রদেশের আজিও নাম বিহার। অবশ্য বুদ্ধ-গয়া, রাজগৃহ, সহস্রাম প্রভৃতি পাটলিপুত্র হতে অধিক দূর নয়।

বহু গুহা, গুৰুফা, সজ্ব, বিহার এবং স্তুপে প্রিয়দর্শী মগধাধিপতি শিলা-ফলকে ঠার আদর্শ এবং কতক কতক ঐতিহাসিক ঘটনাবলী উৎকীর্ণ করেছিলেন। সাধারণের বোধগম্য করবার জন্য অশোক সেগুলিকে তদানীন্তন কালের প্রচলিত বর্ণমালায় প্রচলিত ভাষায় লিখেছিলেন। বস্তুতঃ ঠার পূর্ব-যুগের কোনো বর্ণমালা এযুগের লোকের হস্তগত হয়নি। অতি সংক্ষেপে কতক গুলি অনুশাসনের উল্লেখ অপ্রাসঙ্গিক হবে না। বরং বৌদ্ধ-দর্শন বোঝবার পক্ষে সেগুলি সহায় হবে।

প্রথম গিরিলিপি ঠার রাজ্যের অয়োদশ সালে উৎকীর্ণ হয়। অন্তান্ত অনুশাসনের মধ্যে কথিত হয়েছে ঈষ ন কিংচি জীবং আরভিতপা প্রজুহিতব্যং ন চ সমাজো কর্তব্যো।

অর্থাৎ যজ্ঞে কেহ পশু হত্যা করিতে পারিবেনা বা পশু দেহ লইয়া হোম করিতে পারিবে না কিম্বা সামাজিক উৎসবে পশু হত্যা করিতে পারিবে না।

উক্ত আছে তাঁর নিজের রন্ধনশালায় পূর্বে বহু জীব হত্যা হ'ত। তিনি ক্রমশঃ কমিয়ে দুইটি ময়ুর এবং একটি মৃগ বরাদ্দ করেছিলেন রন্ধনশালার জন্য। সেই অনুশাসন প্রচারের সঙ্গে তাহাও বন্ধ হয়েছিল।

তিনি নিম্নলিখিত রাজ্য দুইটি করিয়া চিকিৎসালয় প্রতিষ্ঠা করেছিলেন, একটি পশু চিকিৎসার জন্য অন্তিম মনুষ্য চিকিৎসার জন্য—নিজ রাজ্যের সর্বত্র, প্রত্যন্ত এবং সীমান্তবর্তী চোল (ত্রিচিনপল্লী যার রাজধানী) পাঞ্জ্য (মাছুরা), কেরল, সতীয় পুত্র, তাম্রপর্ণী (লঙ্কা), আস্ত্রিয়োকের ঘোন রাজ্য এবং তার অধীনস্থ রাজ্য।

“মনুস চিকিছা” বা “পশুচিকিছার” ব্যবস্থার জন্য তিনি সর্বত্র রোগ প্রতিকারক ফলমূলাদি সংগ্রহ করে বৃক্ষাদি রোপণ করিয়েছিলেন। রাজপথ ছায়া শীতল বৃক্ষাদিতে শোভিত করেছিলেন এবং কৃপথনন ও জলাশয় প্রতিষ্ঠা করেছিলেন।

সকল অনুশাসনের পরিচয় দেওয়া এ প্রসঙ্গে অসম্ভব। মনুষ্য এবং মনুষ্যের জীবে দয়া এবং পর-ধর্ম-সহিষ্ণুতার পোষক ছিলেন অশোক। এ নীতি ভারতবর্ষ, সিংহল, ব্রহ্মপুর্ব প্রভৃতি দেশের জাতীয় জীবনকে অতি-মাত্রায় নিয়ন্ত্রিত

করেছে। তাই যন্ত্র অশোক এবং যন্ত্রী বুদ্ধ আজিও আমাদের চিন্তে বিরাজিত।

স্তম্ভে উৎকৌণ্ঠ অনুশাসন ছাইটি দিল্লিতে একটি এলাহাবাদে এবং একটি সাঁচিতে পাওয়া গেছে।

কলিঙ্গ বিজয়ের জন্য যে যুদ্ধ হয়, তাহার করণ দৃশ্যই অশোকের চিন্তে অহিংসার হিল্লোল তুলেছিল। স্বসময়ে তিনি বৌদ্ধধর্ম গ্রহণ করেছিলেন। তার একটি অনুশাসনে সন্তান বলেছেন—

এখন আমি ধর্মসেবা করছি। তার ফলে রণ ছন্দুভি নীরব হয়েছে—ধর্মের সঙ্গীতই এখন শোনা ষাঢ়ে।

ত্রয়োদশ গুহা অনুশাসনে উক্ত হয়েছে—

আমার পুত্র, পৌত্র, প্র-পৌত্র ঘারা জন্মিবে, তারা আর নৃতন দেশ জয় করবে না।

এ বিষয়ে আরভিঙ্গ বিকিটের কবিতার একটি চরণ বড় মর্মস্পর্শী।

আমার রথে আর শোণিত মাখা চাকা ঘুরবে না
বিজয় হ'তে বিজয়ে।

রলিনসন ঠার লেগাসি অফ ইণ্ডিয়া নামক পুস্তকে বলেছেন যে তিনি যবন ভূপতি অস্ত্রিয়কস্ম, মিশরের গ্রীক টিলেমি ফিলডেলফস্ম, মাসিদোনের অস্ত্রিগণ গোণাতস্ম, সাইরিনের মগস্ম, এপিরাসের আলেকজাঞ্চার প্রভৃতির নিকট দৃত পাঠিয়ে ছিলেন। সে সব জনপদে বৌদ্ধধর্ম প্রতিষ্ঠার

উদ্দেশ্য তাঁর ছিল না। এ মৈত্রীর মূলে ছিল জগতের শান্তি। বিশ্ব শান্তির চেষ্টা একালের নৃতন পরিকল্পনা নয়। অহিংসা মন্ত্রের সাধক ভারতেশ্বর অশোকের সূক্ষ্মদৃষ্টি বিরোধের ভৌষণ পরিণাম উপলব্ধি করেছিল। তাই তাঁর বহুদর্শিতা চেয়েছিল সমকালের সকল বিজয়কামীদের বাসনা সংযত করতে।

লর্ড জেটলাও ল্যাও অফ দি থাওরবোণ্ট গ্রন্থে বলেছেন যে নিষ্ক্রিয়তার দ্বারা অনিষ্টবিরতি অহিংসার অর্থ নয়। অহিংসা ক্রিয়াশীল—গ্রীতিমূলক করুণ।

অশোকের অবদান সিংহলকে ভারতবর্ষের সঙ্গে একসূত্রে বেঁধেছে। অবস্তুদেশে সাঁচির সন্নিকটে মহেন্দ্র এবং সজ্জমিত্রা জন্ম-গ্রহণ করেছিলেন। এঁরাই রাজ-আজ্ঞায় লক্ষায় বৌদ্ধধর্ম নিয়ে গিয়েছিলেন। বোধিবৃক্ষের শাখা পৌঁছে দিয়েছিলেন তাত্ত্বপর্ণী অনুরাধপুরে। নবীন বৌদ্ধদেশ মেতে উঠেছিল প্রতু বুদ্ধের বাণীতে। তার আন্তরিকতার যশ সাগর পার হয়ে ভারতবর্ষে মুখরিত হয়েছিল। বুদ্ধঘোষ পাটলিপুত্রে বলেছিলেন—তাত্ত্বপর্ণীদ্বীপে কির চেতিয় মালালংকগে ইত্যাদি। অর্থাৎ তাত্ত্বপর্ণী দ্বীপ মালা অলংকৃত। সদা গৈরিক বন্ধাবৃত্তের পথে গমনাগমন করে। সেখানে লোকে যথা ইচ্ছা শয়ন বা উপবেশন করতে পারে। এ দেশে উৎকৃষ্ট গৃহ এবং বন্ধু মেলে। শান্ত্রালোচনা শোনা যায়।

প্রাচীন অহিংসাবাদী সাম্রাজ্যবাদ আর আধুনিক শোষণ লুক্ষ সাম্রাজ্যবাদের প্রচার ভঙ্গীর একটা দৃষ্টান্ত এই স্থলে দিব।

ডাঃ পীয়েরী বলেন—চুহাজাৰ বৎসৱেৱ বৌদ্ধধৰ্ম সিংহলী
জাতিকে মাদকদ্রব্য পানেৱ দোষ হ'তে সৰ্বতোভাবে মুক্ত
কৱেছে।

উদারচিত্ত সুপণ্ডিত রিস্ ডেভিস্ বলেন—সাধাৱণ
ব্ৰিটিস্ কৃষক অপেক্ষা অতি দীন সিংহলী প্ৰজাও সচৰিত্।
লঙ্কাদ্বীপে খৃষ্টীয়ধৰ্ম প্ৰবৰ্তনেৱ পূৰ্বে গণিকাৰ্য্যতি অজ্ঞাত ছিল।

আমি হুজন বিশিষ্ট সমকালেৱ বিদ্বানেৱ মত উক্ত
কৱলাম বিলাতী অপৱ এক বিশিষ্ট ভদ্ৰলোকেৱ জগন্ন
অপচেষ্টা প্ৰমাণেৱ জন্ত। বিশপ হেবাৰ খৃষ্টীয় ধৰ্মবাজক।
তাঁৰ রচিত নিম্নলিখিত গানটি ইংৰাজিতে সুললিত ছন্দে মধুৱ
সুৱে সৰ্বদা সিলোনেৱ খৃষ্টীয় গিৰ্জায় শোনা যায়। প্ৰত্ৰ যৌশুও
দয়াৱ অবতাৱ। তাঁৰ উপদেশ জগতকে বৰ্বৱতা হতে উচ্চে
তুলছে। কিন্তু তাঁৰ সেবক পুৱোহিতেৱ রচিত জগন্ন গান তাঁৰ
উপাসনা মন্দিৱে গীত হ'লে পৰিতা দাকুণ আহত হয়।

যদিও বহে গন্ধবাহী বায়ু হিলোল

মৃছ ভাবে সিলোনেৱ দ্বীপেৱ পৱে।

সেথা প্ৰত্যেক দৃশ্য প্ৰীতিকৰ

মাত্ৰ মাছুষগুলি নিকৃষ্ট।

বৃথাই দয়াৱ দ্বাৱ মুক্ত কৱে

ঈশ্বৱেৱ বিস্তৃত দান।

হিদেন তাৱ অন্ধতাৱ ফলে

কাঠ ও পাথৱেৱ কাছে মাথা নত কৱে।

সাধারণতঃ ইতিহাস প্রবলের জীবন বৃত্তান্ত। এখন তার ধারা বদলেছে। পৃথিবীর সকল দেশের পুরাতন ইতিহাসই বহু রাজার দিঘিজয়ের দামামা ছন্দুভির জয়বাট্ট শুনিয়েছে উক্তর যুগের মানুষকে। কিন্তু সে কাহিনী অন্তরের শুন্দার কোটৰে সাড়া পায় না। দেশ রক্ষার বৌরত, তৎশাসন নিরোধ বা অত্যাচার দমনের কথায় আনন্দ হয়। কিন্তু সংযম এবং তিতিক্ষার কথা যেমন আমাদের শুন্দা আকর্ষণ করে তেমন কোনো বৌরতের কাহিনী করে না। ক্ষমা শক্তি, ত্যাগে শ্লাঘা বিপর্যয়, এসব এদেশের আদর্শ। সেই জন্যে অশোক আমাদের চির প্রণম্য।

কেবল আমরা কেন, কোনো পাঞ্চাত্য ইতিবৃত্তকার অশোকের প্রাপ্ত সন্মান নিবেদন করতে কুঠাবোধ করেনি। ফরাসী প্রত্তত্ত্ববিদ্ সেনাট বুদ্ধরই অস্তিত্বে সন্দিহান। গৌতম কাল্পনিক ব্যক্তি। সূর্য-দেবতার পূজা একটু রং বদলে বুদ্ধ পূজায় পরিণত হয়েছিল। ধর্মচক্র সূর্যের তেজের ছটা ইত্যাদি ইত্যাদি কথা যে অতি পণ্ডিত অযুক্তি ও কুযুক্তির দ্বারা সপ্রমাণ করতে বহু বাক্য ব্যয় করেছেন তাকেও দয়া ক'রে অশোককে জনহিতকর, বিশ্ব বন্ধু ভূপতি ব'লে স্বীকার করতে হয়েছে। অন্যে পরে কা কথা ?

ইংরাজ ইতিবৃত্তকার ওয়েলস স্পষ্টবাদী। আধুনিক সাম্যবাদী মনোভাব প্রকট তার ইতিবৃত্তে। অশোক সম্মতে তিনি বলেছেন—ইতিহাসের পৃষ্ঠায় ভিড় ক'রে বসে আছে লক্ষ

লক্ষ ভূপতি। কেহ ম্যাজেষ্টি, কেহ প্রেসাসনেস, কেহ সিরিনিটি, কেহ রয়েল হাইনেস প্রভৃতি আখ্যায় অভিহিত। তাদের মধ্যে কেবল অশোকেরই নাম জ্যোতির্ময়, তারকার মত জ্যোতির্ময়। ভলগা হ'তে জাপান অবধি তাঁর নাম সম্মানিত। চীন, তিব্বত, এমন কি যে ভারতবর্ষ তাঁর ধর্মমত পরিত্যাগ করেছে, সে ভারতবর্ষও, তাঁর মহদের ঐতিহ্য সংরক্ষণ করেছে। যত লোক কনস্ট্যান্টাইন বা সারলিমেনের নাম শুনেছে, তাদের অপেক্ষা অধিক লোক আজ অশোকের স্মৃতি পালন করে।

শিবাজি রাজৰ্ষি হয়েছিলেন, অশোক প্রভৃতি ধর্মপ্রাণ বিশ্ব-হিতৈষী লোকপালদের ঐতিহ্যে চিত্তে অনুপ্রেরণা লাভ ক'রে। রাজৰ্ষি শকের প্রতিশব্দ অন্য ভাষায় আছে কিনা জানিনা—কিন্তু ভারতের ইতিহাসে জনক হ'তে আরম্ভ ক'রে বহু রাজৰ্ষির কথা শোনা যায়। ভারতবর্ষের আবহাওয়া ত্যাগী রাজন্তৰ্বর্গ পোষণ করত। তাঁদের কার্যে ভারতেরও গৌরবময় মূর্তি দেখেছিলেন কবিগুরু। তাই সগর্বে তিনি বলেছিলেন—

‘হে ভারত মুপতিরে শিখায়েছ তুমি
ত্যজিতে মুকুট দণ্ড সিংহাসন ভূমি
ভোগেরে বেঁধেছ তুমি সংযমের সাথে
নির্মল বৈরাগ্য দৈন্ত করিতে উজ্জ্বল।’

আমাদের শ্রদ্ধেয় প্রধান মন্ত্রী, সাহিত্যিক, ইতিবৃত্তকার,

উদার জনসেবক পণ্ডিত জওহরলাল নেহেরু ১৯৩২ সালে
স্বেহের কথাকে লিখেছিলেন—

আমাৰ ভয় যে নৱপতি এবং রাজকুমাৰদেৱ খৰ
কৱতে আমি একটু বেশী ভাল বাসি। আমি তাদেৱ শ্ৰেণীতে
প্ৰশংসা কৱিবাৰ বা শৰ্কাৰ নিবেদন কৱিবাৰ মত অতি অল্প
কিছুই দেখি। কিন্তু আমৰা এখন এমন এক মানুষেৰ প্ৰসঙ্গে
এসে পড়েছি, যিনি ভূপতি এবং সন্দৰ্ভ হওয়া সহেও, মহৎ
ছিলেন এবং প্ৰশংসাৰ যোগ্য। তিনি চন্দ্ৰগুপ্ত মৌর্য্যৰ
প্ৰ-পৌত্ৰ অশোক।

ওয়েল্সেৰ উক্ত মত উক্ত ক'ৱে পণ্ডিতজী বলেছেন—
বাস্তবিক এ অতি উচ্চ প্ৰশংসা। কিন্তু এ তাৰ লভ্য। এবং
একজন ভাৱতবাসীৰ পক্ষে ভাৱতবৰ্ষেৰ ঐ যুগেৰ ইতিহাসেৰ
চিত্তায় বিশেষ আনন্দ আছে।

চারু-কলা।

সাঁচির শিল্প পরিচয়ের পূর্বে ভারতবর্ষের চারু-কলা সম্বন্ধে
সামান্য আলোচনা প্রয়োজন। রূপ-তৃষ্ণা মানুষের সহজ বৃত্তি।
শিশু চেতনার উদ্বোধনের সাথী মনোরম বর্ণ-প্রিয়তা।
মানুষ সৌন্দর্যে আমোদ পায়, তাই সুন্দরের স্মৃতি দীর্ঘস্থায়ী
করতে চায়। কারণ প্রকৃতি লীলা-চঞ্চল। আদিম মানুষের
আঁকা বহু চিত্র আমাদের দৃষ্টিপথে পড়েছে। সমাজ যখন
সংহত ও উন্নত হয়, ধীরে ধীরে সংস্কৃতি পরিপূর্ণ হয়।
চারু-কলারও সেই সঙ্গে পরিণতি। বিজয়ী সজ্বপতি বা
নরপতি নর-শোণিতের শ্রোত বহিয়ে, শেষে শিল্পে তৃষ্ণিলাভ
করত; বিজিত বন্দীদের শ্রমে রাজপথ, কীর্তি-স্তম্ভ, বিজয়-
তোরণ, সৌধ বা মন্দির নির্মাণ কর্ত। আজিও সকল ধনী
সম্পদের সহগামী অট্টালিকা নির্মাণ করে।

জগত-স্রষ্টার ধারণাও সকল দেশে, অতি আধুনিক ব্যতীত
সকল যুগে, মানব-চেতনাকে সংহত, সংযত এবং উন্নত করেছে।
উপার্জিত ঐশ্বর্য এবং চিত্তের আনুগত্য মিলিয়ে, মানুষ
জগদীশ্বরের পূজার আয়োজনের প্রয়োজন বোধ করছে
চিরদিন। তাই সকল প্রাচীন দেশের শ্রেষ্ঠ সৌধ ভগবানের
মহিমা স্মরণের ব্যবস্থা। প্রাচীন যুগ ঈশ্বরের মহিমা ধ্যান
ক'রে মূর্তি পরিকল্পনা কর্ত। সে মূর্তিগুলি কলাবিস্তারের
সহায়ক।

বলেছি পাঞ্চাত্য পণ্ডিতরা ভারতবর্ষের ইতিহাস সংকলনের
বহু মাল-মসলা আবিষ্কার করেছেন। কিন্তু তারা ভারতবর্ষ
বা এসিয়ার অন্য কোনো দেশের অন্তরের সন্ধান লাভ করতে
পারেন নি। ভারতের শিল্প, সাহিত্য বা সভ্যতার ইতিহাসে
তাঁদের যুগ প্রকৃত ভিত্তিহীন। সকল দেশেই বর্তমান
দিন অতীতের পরিণতি এবং ভাবী-কালের বীজ-ক্ষেত্র।
বিভাগ মাত্র ইংরাজ ও ভারতীয়ের সংস্পর্শের দিনে তুই জাতির
মধ্যে হয়েছিল। যেহেতু ইংরাজের পক্ষে এ দেশ হ'য়েছিল
কর্মক্ষেত্র। শাসন ও শোষণ ক'রে সে স্বদেশে প্রত্যাবর্ত্তন
কর্ত—ইংরাজ বণিক বা রাজপুরুষ ভারতবাসীর ভাব ভাষা
কুচি বা মনোবৃত্তির ছন্দে নিজের জীবনছন্দকে মেলাবার
কোনোকালে চেষ্টা করেনি।

হিন্দু-যুগ বা বৌদ্ধ-যুগ কোনো নির্দিষ্ট গঙ্গী দেওয়া যুগ
ছিলনা। গোতমের আবিভাবের পর ভারতবর্ষের জীবন-
স্রোত ধীরে ধীরে কথফিত পরিবর্ত্তিত হয়েছিল। মতামত,
অভিজ্ঞতা এবং সমাজের বিভিন্ন স্তরের লোকের মধ্যে
মেলামেশা সম্বন্ধে উগবান বৃক্ষ হ'তে আরম্ভ করে সকল
মহাপুরুষ, মহামানব, জন-নায়ক ভারতবাসীর জীবনকে সুর্খুও
ভাব-সম্পদে সম্পন্ন করবার চেষ্টা করেছেন। ফলে কতকদিকে
বর্জন, কতক বিষয়ে পরিবর্ত্তন এবং কতকদিকে উন্মেষণ
পরিলক্ষিত হয়। কিন্তু পুরাতন জীবন মহীরূহের মূলোচ্ছেদ
ক'রে জীবন-ক্ষেত্রে কেহ নৃতন বীজ বপন করেননি। এমন

কি মোগলযুগ পাঠানযুগও খেয়ালী নামকরণ। কারণ রণধারা বাহি জয়গান গাহি উন্মাদ কলবে, তেদি মরুপথ গিরিপর্বত যারা এসেছিল সবে, তারাও ভারতবাসী হয়ে গিয়েছিল। কর্মান্তে, জীবন-সন্ধায় তারা তুর্কী, আফগানিস্তান বা ইরাণে পালিয়ে যেতোনা, ভারতবর্ষে উপার্জিত ঐশ্বর্যে বিলাসলীলার অভিলাবে। রাজ্যের শাসক ভারতবাসী মুসলমান ভূপতি ছিলেন। কিন্তু প্রকৃত শাসনভাব ছিল হিন্দু এবং মুসলমান রাজকর্মচারী উভয়ের হস্তে।

এ কথা সত্য যে মাত্র ভারতবর্ষে কেন, সমগ্র এশিয়া ভূখণ্ডের শ্রেষ্ঠ শিল্প সম্পদ এবং ভাবধারা প্রভু বুদ্ধ প্রবর্তিত ধর্মের বন্ধায় প্রভৃত পরিমাণে পরিবর্তিত হয়েছিল। শিল্পজগতে সে পরিবর্তন আরম্ভ হয়েছিল গৌতমের আবির্ভাবের প্রায় তিনশত বৎসর পরে। তথাগত স্বয়ং বৈরাগ্যের মাহাত্ম্য প্রচার করেছিলেন। তাঁর মেত্রী, করুণা এবং অহিংসার উপদেশ ত্যাগের চরম পন্থা অবলম্বন করবার সহায়ক। বৌদ্ধ নীতির নির্দেশ, জীবনের চলার পথের প্রতি পাদক্ষেপ নির্বাণের পথে যাত্রা ভাবতে হবে। বাসনা-বিরতি চরম ত্যাগের সহায়ক। ভোগ কেবল তৃষ্ণা বাড়ায়।

প্রথমে বৌদ্ধের পক্ষে তণহা বাড়াবার ভয়ে সজ্ঞ বিহারের প্রাচীর গাত্রে নরনারীর মূর্তি চিত্রণ বা উৎকীরণ নিষিদ্ধ ছিল। এই নিষেধ-বিধি হ'তে সিদ্ধান্ত করা যায় সেকালের শিল্পের গতি। ইত্ত্বয়ের সৌন্দর্য বিলাস, পার্থিব ভোগ ও

আসক্তির ফাঁদ। দশধন্মস্থৃত তাই বলেছে—সৌন্দর্য আমার
পক্ষে অকিঞ্চিতকর দেহেরই হক বা বেশ-ভূষা প্রসাধনেরই হ'ক।

লতা পাতা বা ফুলের মালা উৎকীরণ কিন্তু নিষিদ্ধ
হয়নি। নিশ্চয়ই সেকালে মন্দির বা মঠের প্রাচীরের শিল্প
শোভার সমাদর ছিল। সেই শোভা ছিল মনোলোভা।
তার মোহ কাটাবার প্রয়াসই বিধি-নিষেধের উত্তাবক। এমন
কি শিল্পীর বৃত্তি হতে বিরত করবার উদ্দেশ্যে বিশুদ্ধ মাগ্গ
চিত্রকর, গায়ক, গন্ধারুলেপনির্মাতা, পাচক, অরিষ্ট প্রস্তুতকারী
চিকিৎসককে, যারা ইন্দ্রিয়-বিলাসের সামগ্রী সরবরাহ করে,
তাদের সঙ্গে এক শ্রেণী ভূক্ত করেছে। লোকে এদের
সম্মান করে বটে। বিশুদ্ধ মাগ্গের মতে, ইন্দ্রিয় ভোগের
সামগ্রী জনপ্রিয়, তাই তাদের সমাদর। কিন্তু তারা
সিদ্ধির পথ দুর্গম করে। সে কালের জৈন তীর্থঙ্করদেরও
শিক্ষা ছিল ঐ নীতির অনুরূপ। বেদান্তবিদ্ মায়াবাদী
সন্ধ্যাসীও শিল্প বিলাসের বিরোধী।

দার্শনিক মতবাদ সাধারণের প্রবৃত্তি মার্গকে অবরোধ
করতে পারে না। ব্রাহ্মণ্য ধর্ম ভক্তি পথের সন্ধান দিয়ে
মানুষের সহজ সংস্কারকে নীতি পথে অনুশাসিত করেছে।
সে অনুশাসনে পরলোকের কঠোরতার চিত্র ঘথেষ্ট আছে।
আতঙ্ক রস শুকিয়ে দেয়। প্রেম রসোপলক্ষিকে গাঢ় করে।
শিল্পের প্রসার রস-চেতনা উদ্বোধনের প্রধান সহায়ক।
মহেঝেদারোর শিল্প হতে ভারতের সকল দিনের শিল্প সাধন।

নিত্য ব্যবহার্য পদাৰ্থ ঘিৱে। সুন্দরেৱ অনুভূতি সত্য। ভক্তি-মার্গ সত্য-সুন্দৱকে প্ৰকাশ কৱাৰ জন্ম চারুশিল্পেৱ আশ্রয় নেয়। মাৰ্কিনেৱ অতি আধুনিক গগন-চুম্বী সৌধ বাদ দিলে, প্ৰত্যেক দেশেৱ প্ৰতিযুগেৱ শ্ৰেষ্ঠ অটোলিকাৱ স্থষ্টি ও পৱিকল্পনা ভুবনশ্রষ্টা অতি-সুন্দৱেৱ মহিমা প্ৰচাৱেৱ উদ্দেশ্যে নিৰ্মিত। গন্ধ পুষ্প, মিষ্টফল প্ৰভৃতি উৎপাদনেৱ আয়াসেৱ মূলে প্ৰেম ও ভক্তিৰ প্ৰভাৱ পৱিলক্ষিত হয়।

বলছিলাম সাধাৱণ সৌন্দৰ্য-তৃষ্ণা এবং দার্শনিক মতবাদ প্ৰসূত বৈৱাগ্যৰ অসামঞ্জস্যতাৱ কথা। উপনিষদেৱ আত্মজ্ঞান বা বুদ্ধদেবেৱ চৱম শিক্ষা—মানুষেৱ ধ্যানে, সংযমে, চৱিত্ৰে, কৰ্ষে নিৰ্বাণ লাভেৱ ব্যবস্থা, আপামৱ সাধাৱণেৱ ভক্তিপ্ৰবণ প্ৰাণকে তৃষ্ট কৱতে পাৱলে না। পাণ্ডিত্য-বুদ্ধি-গ্রাহ্য শুন্দ বৌদ্ধ-নীতি-সুধা প্ৰাচ্যেৱ কোনো জনসংজ্ঞকে নিছক নিষ্কাম আত্ম-চৰ্চাৱ পথে এগিয়ে দিলে না। গৌতমেৱ সম্বোধি লাভেৱ চিত্তাকৰ্ষক মৰ্মকথা, তাৰ ত্যাগ এবং জীবে দয়াৱ বাণী মানুষেৱ অনুস্তলে শিহৱণ উপলক্ষি কৱায়। যিনি কৱণাঘন, যিনি বিশ্বসংসাৱেৱ মিত্ৰ, যঁৱ অগাধ প্ৰেমেৱ ফল্পন্তি ভূত্বন ঘিৱে, তাৰ প্ৰতি ভক্তি আপনি উদ্বৃদ্ধ হয় মানব-মনেৱ শুন্দ চেতনায়। ভগবান বুদ্ধেৱ স্মৃতি-মন্দিৱে ঐকাণ্ডিক ভক্তিৰ অজস্র শ্ৰোত বৰ্ষিত হ'ল। সে প্লাবনেৱ পথ রোধ কৱতে পাৱলে না দার্শনিক বিৱাগ-বাদ। অনুৱাগ মাত্ৰ ভাৱতবৰ্ষে নয়, সিংহল, ব্ৰহ্ম, চীন, শ্যাম, তিব্বত, মাঝুৱিয়া

সর্বত্র ছড়িয়ে পড়লো। প্রত্যেক দেশের প্রচলিত শিল্প সাধনার বেগ নতুন খাদে প্রবাহিত হ'ল গৌতমের স্মৃতি ঘিরে।

ভারতবর্ষের তিনি শত বৎসরের বাঁধ ভেঙ্গে গেল মহামতি ভক্তি-প্রধান অশোকের উৎসাহ এবং অনুপ্রেরণায়। যে সব ভারতীয় শিল্পী অন্ত পথে চলছিল, তাদের প্রাণে জেগে উঠলো ধ্যান-গন্তীর ত্যাগী সমুদ্ধর দীপ্তি মূর্তি। তাঁর নির্বাণের অপূর্ব সমাচারে যতটুকু সত্যের সন্ধান উপলব্ধি করলে সাধারণ গৃহস্থ, তাতে তার চেতনায় ফুটে উঠলো ভক্তি-প্রসূন। সে আনুগত্য বাহিরে প্রকাশ পেলে শিল্প সাধনায়। বিহার, চৈত্য, গুষ্ঠা, দাগোবা এবং স্তুপ ক্রমশঃ নির্মাণ কঠোরতা বর্জন করলে। ভারতবর্ষে প্রচলিত শিল্পের বিশেষ বিকাশ পরিলক্ষিত হ'ল বৌদ্ধ প্রতিষ্ঠানে। অশোক যুগের শিল্পে কোথাও বাহিরের প্রভাবের ইঙ্গিত আছে। উন্নতি মার্গের সেটা সহজ রীতি। নব নব ভাব নতুন নতুন রূপকে বিকশিত করে, অনাদৃত, অবজ্ঞাত ভাবকে নতুন ভূষণে সাজিয়ে ব্যক্ত করে। মানব প্রাণের উদ্বোধনের নিয়মই তাই। যদি গ্রীক ঘবনের সংস্পর্শে এসে ভারতবাসী তার চিরাচরিত সৌন্দর্য-রস মার্গকে পরিবর্দ্ধিত ক'রে থাকে, সে সংবাদে একদিকে যেমন লজ্জার কারণ নাই, অন্তর্দিকে তেমনি ভারতবর্ষকে গ্রীক হ'তে নিকৃষ্ট প্রতিপন্ন করবার অপচেষ্টারও সার্থকতা নাই।

অশোক-যুগে ভারতের শিল্প কলা এবং ভাব-শ্রোতৃ শৈল এবং জলধির গঙ্গী উপচীয়ে বাহিরে প্রাবিত হয়েছিল।

সিংহল দ্বীপের শিল্প ও কৃষি বিশেষ রূপে মহাদেশের ছন্দের তালে বাঁধা পড়লো। আশোক-কালের পূর্বের দিনের মূর্তি, চিত্র, ভাস্কর্য বা তক্ষণ শিল্পের নির্দর্শন আজ বিদ্যমান নাই। অশোক-যুগের শিল্প পরিচয়ও পূর্ণ-রূপে পাওয়া যায় না। কারণ কালের নিষ্ঠুর সংহার-অভিযান প্রস্তর শিলাও বহুদিন প্রতিরোধ করতে পারে না। তবু ও বহু যক্ষ, রক্ষ, নাগ নাগিনীর উৎকৌর্ম মূর্তির অবশেষ অজিও বিদ্যমান। প্রাচীন হিন্দুশিল্পের এই মনোরম বিকাশ বৌদ্ধ শিল্পও বর্জন করতে পারেনি। কাজেই বৌদ্ধ প্রতিষ্ঠানের প্রাচীরের গায়ে দেখি নাগ-নাগিনী, যক্ষ-রক্ষের চিত্র। চীন তার ড্রেগনকে কোনোদিন শিল্প সংসারের গঙ্গীর বাহিরে রাখতে সমর্থ হয়নি। লঙ্কায় নাগ-নাগিনী এবং অপ্সরার চিত্র বহুল পরিমাণে বিদ্যমান। কেলানীয়া মন্দির অধুনা সংস্কৃত হয়েছে। তার প্রাচীর গাত্রে নতুন মূর্তি উৎকৌর্ম পাথর বসানো হয়েছে। নবীন শিল্প যক্ষ ও নাগমূর্তি বর্জন করতে পারেনি। শ্রীরামচন্দ্র একটি চিত্রে বিভীষণের রাজ্যাভিষেকে ব্যাপৃত।

গান্ধারে যবন প্রভাব পরিলক্ষিত হয় শিল্পে। ধ্যানী গোতমের সমস্তভোলা, মাত্র অস্তর-চাওয়া আকৃতির বিশেষ অভাব ও দেশের সুন্দর মূর্তি গুলিতে। সুন্দর কারণ সৌন্দর্য, সামঞ্জস্য, সংহতি এবং ভারসাম্য সে দৃষ্টিআরাম মূর্তি গুলিতে বিদ্যমান। সিদ্ধার্থের পরিপাটি বেশ ভূমা এমন কি বন্দের ভাঁজগুলি অবধি অনবদ্ধ ভাবে চিত্রিত। কিন্তু যবন-শিল্পী

পদ্মাসনে উপবিষ্টের নিষ্ঠু যোগের সন্ধান বুঝে উঠতে পারেনি। পদ্ম হৃদিপদ্মের নির্দশন। সম্বোধি ফুটে ওঠে হৃদয়ে একান্ত চিত্ত-বৃত্তি-নিরোধে। কমলাসনস্থ যোগেশ্বর বুদ্ধের সেটা বসবার আসন নয়। আমার মনে হয় সম্মুদ্ধ গৌতমের শিল্প পরিকল্পনায় হৃদিপদ্ম হ'তে বিকসিত বুদ্ধভগবান।

সাঁচির ঘক্ষ-মূর্তি বোধ হয় দ্বিতীয় শতকের। অমরাবতীর প্রগতা পূজারিনীদের চিত্র চমৎকার। হয়তো তাতে সামান্য বিদেশী প্রভাব আছে। কিন্তু দেহের গতি ও পরিণতি ভারতীয় কলার বিকাশ। তাদের সকল মাধুরীর পরিণতি প্রণামের ভঙ্গিতে। ভরছতে ঘক্ষ, দ্বারপাল প্রভৃতি প্রচুর। বিশ্বকর্মার মূর্তি এবং দ্বারপালদের অত্যাবশ্যক অঙ্কন ভারতবর্ষ এবং সিংহল অতিক্রম ক'রে, ব্রহ্ম, মলয় চীন, যবদ্বীপ প্রভৃতি দেশে পৌছেছিল। বোধ হয় চীনে পৌছেছিল তিব্বতের পথে, ব্রহ্মে পৌছেছিল বাঙালী নাবিকের নৌকায়।

সাঞ্জী, অমরাবতী প্রভৃতির ঘক্ষণী নারীর চিত্র লীলা-মধুর। এই শ্রেণীর উৎকৌণ্ঠ মূর্তি এক দিকে যেমন বুদ্ধদেবের গরিমা গোরব প্রকাশ করে, অন্যদিকে তেমনি পালি সূত্রের নির্দেশ বিরোধী। কুমারস্বামী বলেন, পালিসূত্র প্রমাণ করতে চেষ্টা করেছে যে মৃত্যুর পরও দেহ যেমন অগ্রীতিকর, প্রাণবন্ত দেহও তেমনি জগন্ন। অথচ সেই সূত্র হতে কী বিভিন্ন জগতেই না বিচরণ করে এই আনন্দময়ী ঘক্ষ নারীরা।

পরিণত হিন্দু-শিল্প অন্তরের সৌন্দর্যের নিকট পার্থিব

সৌন্দর্য, দেহের লাবণ্যের পরাজয়ের বাণী ঘোষণা করতে প্রবৃত্ত হয়েছিল। তাই দেখি সকল মন্দিরের বাহিরে যক্ষ, নাগ, নাগিনী প্রভৃতি সুন্দর রূপ-পরিকল্পনার বিকাশ। কিন্তু তারা বাহু প্রকৃতি। বাহিরের তরঙ্গ। তাদের উপর ভাসলে চলবে না। গৌতমকে প্রলোভিত করেছিল মহামার। তিনি মহামারমার। তাঁর পুণ্য দর্শন লাভ করতে গেলে নর্তকী ও গায়িকার মোহ মুক্ত হতে হবে। তাই মন্দিরের বাহিরে বোধ হয় তাদের স্থান, ভক্তের পরীক্ষার জন্য।

ভারতবর্ষে শিল্প কলার সম্প্রসারণের সঙ্গে আধ্যানবস্ত্রও বিস্তৃতি লাভ করেছিল। সাঁচির প্রাচীন স্তুপের শিল্পের সঙ্গে পরবর্তী যুগে নির্মিত স্তুপের শিল্পের তুলনায় একথা স্পষ্ট মনে হয়। বৌদ্ধ বিহার, মন্দির, স্তুপ ও স্তম্ভে যে নানা শিল্প পরিচয় পাওয়া যায়, সেগুলি খৃষ্টপূর্ব ছয়শত বৎসরের ও খৃষ্টের পর তিনি শতকের কারুকার্য।

দক্ষিণ ভারতের দেবমন্দিরের গায়ে রামায়ণ, মহাভারত, শ্রীমদ্বাগবত প্রভৃতি গ্রন্থে বর্ণিত আধ্যায়িকার উৎকীর্ণ চিত্র দেখা যায়। তেমনি সাঁচির বেষ্টনী গাত্রে, ভরত্তের পাথরের বেড়ায় জাতকের গল্লের চিত্র। সারনাথে যে কয়েকখানি প্রস্তর পাওয়া গেছে তাতে সিঙ্কার্থের জন্মের চিত্র বড় হৃদয়গ্রাহী। সিংহলে সজ্ঞমিত্র বোধিক্রম দান এক অপূর্ব ঘটনা। ঐতিহাসিক কথা স্মরণ করিয়ে দেয় ওদেশের বহু চিত্র।

স্থাপত্য

বৌদ্ধ ভূপতিদিগের আগ্রহে ভারতবর্ষে যে স্থাপত্য-বিদ্যার প্রসার হয়েছিল, ডাঃ ফারগুসন সেগুলিকে পাঁচভাগে বিভাগ করেছেন। তাঁর সিদ্ধান্ত যে ঐশ্বরীর শিল্প নিছক ভারতীয় কলা। এর মধ্যে যোন বা মিশরীয় কলার যোজনা বা সংমিশ্রণ নাই। পাঁচ শ্রেণীর রচনা—

(১) লাট বা পাথরের থাম এবং তার গায়ে খোদাই করা লিপি।

(২) স্তপ।

(৩) বেষ্টনী বা বেড়া।

(৪) চৈত্য।

(৫) বিহার বা শ্রমণ, থের প্রভৃতিদের বাসের আশ্রম।

লাট প্রথম নির্মাণ করেন রাজ-চক্রবর্তী অশোক। সাঁচিতে তার একটি নির্দশন আছে। দিল্লির লাটের উপর সম্মাট জাহাঙ্গীর নিজের রাজ্যাভিষেকের কাল ফারসীতে কুঁদে দিয়েছিলেন। প্রয়াগের লাট ও প্রসিদ্ধ কৃতবিমনারের নিকটস্থ লাট ইস্পাতের। কোনো আধুনিক কর্ম মরচে ধরেনা এমন সুন্দর লোহার স্তম্ভ নির্মাণ করতে পারে না।

অশোক ৮৪০০০ স্তম্ভ রচনা করেছিলেন। এ সব স্তম্ভের মধ্যে ভিলসা তোপই সর্বাপেক্ষা প্রসিদ্ধ। আধুনিক যুগে

অতি অল্প সংখ্যক তুপ বর্তমান। সাঁচির বড় স্তপটির ১৪ ফুট
উচু চাতাল। এর ব্যাস ১০৬ ফুট। চারিদিকের দৃষ্টি-স্মৃথকর
বেড়াগুলি নিশ্চয় কোনো কাঠের বেড়ার অনুকরণে
বালি-পাথরে তৈয়ারী। স্তপ ৪২ ফুট উচু, শিরোভাগের ব্যাস
৫০ ফুট, পরিবেষ্টনী এগারো ফুট উচ্চ। সুন্দর তোরণগুলি
৩৩ ফুট উচু। স্তপটি ইটের তৈরী উপরে পাথর দিয়ে ঢাকা।

সমস্ত সাঁচি এলাকার মধ্যে, পূর্বেক্ষ পাঁচ জায়গায় অন্ততঃ
ষাটটি স্তপ আছে। এদের মধ্যে কোনগুলি কোন আমলের
তা বলা যায় না। খঃপু তৃতীয় শতক হতে খন্তের পর ষষ্ঠ
শতকের মধ্যে সবগুলি তৈরী।

বেষ্টনীর চরম সৌন্দর্য বরহত এবং সাঁচির স্তপের
প্রাকারে। বরহত এলাহাবাদ এবং জবলপুরের মাঝামাঝি
স্থানে অবস্থিত। বুদ্ধ গয়াতেও রেল আছে। স্তপ-ঘেরা
পাথরের বেড়ার পরিকল্পনায় পল্লীবাসীর সরল গ্রাম্য
গৃহস্থালীর ভাবকে ফোটায়। তার গায়ে খোদা বুদ্ধদেবের
জাতক-কাহিনী, সুন্দর পুষ্প বা পরিচিত হস্তী, হরিণ, গাড়ী
প্রভৃতি জন্মজন্মান্তরের অথঙ্গ একতার আভাস সূচনা করে।

সন্তবতঃ পিয়দশীর সময় সাঁচিতে যে স্তপ নির্মিত হয়েছিল,
তার ঐ প্রকার প্রাকার ছিল না, পরে এক এক ধনী বা রাজা
সেগুলি নির্মাণ করেছিলেন। বুদ্ধ গয়ার প্রাচীর নাকি
সর্বাপেক্ষা পুরাতন। এর নির্মাণ কাল খঃপুঃ ২৫০ সাল বলিয়া
নির্ণীত হয়েছে। তার পর বরহত রেল ২০০ খঃপুঃ।

সাঁঁচীর বৃহৎ স্তুপ ঘেরা বেড়াটি গোল। এর ব্যাস ১৪০ ফুট, দু ফুট অন্তর অন্তর আট পল খুঁটি। অষ্টভূজ হয়তো অটোঠো মাগ্গ শ্বরণের ব্যবস্থা। তুপ অশোকের কালের কিন্তু বেষ্টনৌর বিভিন্ন উৎকৌর্ণ নাম হতে বোৰা যায় যে ভিন্ন ভিন্ন ব্যক্তি বিভিন্নকালে সেগুলি সংযোগ করেছেন।

সাঁচির বৃহৎ স্তুপের চারটি তোরণ ছিল অতিশয় সুদৃশ্য। তোরণ বৌদ্ধ জগতে এতো জনপ্রিয় হয়েছিল যে এমনকি জাপানী ভাষায় তোরী শব্দ তোরণ দ্বার কৃপে ব্যবহার হয়। প্রাচীন নারার তোরী জাপানী কৃষ্টি অনুগত সরল বটে কিন্তু সেরূপ তোরীগুলি যে সাঁচি, বরুহত প্রভৃতি তোরণের অনুকরণ দ্বারা ভারতীয় শিল্পকলার প্রতি শ্রদ্ধা নিবেদন, সে কথা অন্যামে বলা যেতে পারে। সাঁচির তোরণের খুঁটি, উপরের তিনি থাক এড়ো পাথর, সামনে পিছনে বহু চিত্র সম্মিত। থামের সঙ্গে শিরের এড়ো পাথরের সংযোগস্থলে অনবদ্য হস্তী মূর্তি। ধারে যশ-নারী। শিরোভূষণ ধর্মচক্র উপরে ত্রি-পিটক। প্রত্যেক অংশে চিত্র। ধারে বৃত্ত।

ডাঃ ফাণ্ডসন এই তোরণের উচ্ছিত প্রশংসা করেছেন। সার জন মার্শালের বর্ণনা, ডাঃ কানিংহাম, রিসডেভিজ প্রভৃতির উচ্চ প্রশংসা বড় চিত্তগ্রাহী। প্রাচীন দিনের চৈনিক পরি-ত্রাজক হয়েন সাঙ্গ, ফা হিয়ান প্রভৃতি বিশ্বিত হয়েছিল এদের কারুকার্য। আজিও রসজ্জ্বর চিত্তে প্রীতি সম্পাদন করে সাঁচির ভাস্কর্য ও শিল্পকলা আর ছংখ দেয় তাদের শোচনীয় অবহেলা।

পূর্বদিকের তোরণ সম্মন্দে পঙ্গিত রিস ডেভিসের অনুমান যে সিংহলে ধর্ম প্রচারের কাহিনী তাতে বিবৃত। সে অনুমান সত্য। কারণ দেখা যায় একটি বামন এক নরপতিকে অশ্঵পৃষ্ঠ হতে নামতে সাহায্য করছে। একটি পাত্রে মহাসমারোহে বোধি-ফুমের শাখা প্রদান করা হ'চে অপর নরপতিকে। সমারোহ, বাদ্যকার, প্রণতানারী প্রভৃতির বহু চিত্র। তার সঙ্গে একটি ময়ুরের চিত্র—মৌর্য বংশের প্রতীক এবং একটি সিংহচিত্র—সিংহলের জাতীয় চিহ্ন।

এই কলাপী-কেশরী চিহ্নিত তোরণের সৌন্দর্য মনোরম। ১৮৬৮ খঃ অক্টোবর ফ্রান্সের ভূপতি তৃতীয় নেপোলিয়ন ভূপালের নবাবের নিকট এটি উপহার চান। অবশ্য নবাব দেশের এই প্রাচীন সম্পদ হস্তান্তর করেন নি। প্যারিসে এর একটি ছাঁচ পাটিয়ে দেওয়া হয়েছিল।

সাঁচি বৌদ্ধদের চৈত্যগিরি। বহু স্মৃতি বিজড়িত, অবহেলায় নষ্ট-প্রায় স্মৃতি-চিহ্ন। মহেন্দ্রের স্মৃতি জড়ানো সাঁচির সাথে। তিনি এই চৈত্যগিরি হতে লক্ষার চৈত্যগিরি মিহিনতালে শুভাযাত্রা করেছিলেন। সজ্ঞমিত্রার পুণ্য-স্মৃতি জড়ানো এই ভিলসা প্রদেশের সঙ্গে। অবস্তী, উজ্জয়িনী, ভিলসা, সাঁচি— এসব শব্দে ভারতবাসী মাত্রের প্রাণ সগর্বে স্পন্দিত হয়, মহিমময় অতীতের স্মৃতিতে। প্রাণে কর্ম-প্রেরণা জেগে ওঠে, ভবিষ্যতের চিত্র মধুর হয়। জগতে ভারতবর্ষ বিস্তৃত হয়েছিল অশোকের উদারনীতির ফলে।

ভস্মাবশেষ-আবিষ্কার

সাঁচির তৃতীয় স্তপে জেনেরাল কানিংহাম সারিপুত্র এবং মহামোগ্গম্ভানের বরবপুর ভস্মাবশেষ এবং ক্ষুদ্র ক্ষুদ্র অঙ্গ সমন্বিত ছুটি আধাৰ পেয়েছিলেন। এই আবিষ্কারে নিশ্চয়ই তাঁৰ হৃদয় চঞ্চল হয়েছিল। তাঁকে সবিশেষ যত্ন কৰতে হয়েছিল প্রায় আড়াই হাজার বছরের পুরাতন সমাধি-স্থৱিতকোষ উদ্বার কৰতে। স্তপটি ধৰ্মের চিহ্ন বুকে ধ'রে এককোণে পাহাড়ের একটি স্তরে অবজ্ঞাত মানদেহে অবস্থান কৰছিল। স্তপটিকে পুরাতন এক পাথৰের প্রাচীর বেষ্টন কৰে রেখেছিল। তোরণের জীৰ্ণ অবস্থা।

১৮৫১ সালে জেনেরাল কানিংহামের মন আকৃষ্ট কৰলে তৃতীয় স্তপ। তিনি উপর হতে তাঁৰ মাঝে শলাকা চালালেন। নিচে চাতালের সমান ক্ষেত্ৰে স্তপের অন্তৰে অন্ধকারে প্রায় পাঁচ ফুট লম্বা উত্তর দক্ষিণে রক্ষিত এক পাথৰের সাড়া পাওয়া গেল। তাঁৰ পৰ স্থিৰ হল তাঁৰ ছদিকে ছুটি পাথৰের সিন্দুক আছে। খনন কাৰ্য্য আৱস্থা হল। অবশেষে সকল শ্ৰম সফল হল যখন আত্মপ্ৰকাশ কৰলে ছুটি পাথৰের সিন্দুক। উপৰে পাঁচ ফুট লম্বা পাথৰে ঢাকা ছিল ছুটি প্ৰস্তৱাধাৰ। তাদেৱ পাথৰেৱ ঢাকনিৰ উপৰ প্ৰাচীন ব্ৰাহ্মী অক্ষৱে খোদা নাম। দক্ষিণেৱ সিন্দুকেৱ উপৰ লিখা ছিল—

সারিপুত্রস

উভয়ের বাঞ্ছের ডালায় লেখা

মহামোগ্গলানস

অর্থাৎ সারিপুত্রস্য এবং মহামোগ্গলানস্য ।

প্রত্যেক বাঞ্ছটির লম্বা চওড়া এবং খাড়াইয়ের মাপ
দেড় ফুট বা এক হাত । প্রত্যেক কিউব বা ঘন ডালা
৬ ইঞ্চি মোটা ।

সারিপুত্র নামাঙ্কিত সিন্দুকের ভিতর মাজা-ঘষা সাদা
স্টিটাইট পাথরের একটি কোষ ৬ ইঞ্চি চওড়া, তিনি ইঞ্চি
উচু । এর উপরটি শক্ত এবং মসৃণ । এটি একখানি কালো
মাটির থালায় ঢাকা ছিল—যার ব্যাস ৯ ইঞ্চি, ২ ইঞ্চি মোটা ।
থালাটি ভেঙ্গে গিয়েছিল । উপরের বর্ণ মলিন কিন্তু তলার
দিকটি বেশ চকচকে ছিল ।

সেই আধারটির পার্শ্বে ছ'টুকরা চন্দনকাঠ ছিল—৪½ ইঞ্চি,
২½ ইঞ্চি মাপের । কানিংহামের মতে এ ছ'টুকরা চন্দন কাঠ
চিতা হতে সংগৃহীত হয়েছিল । কারণ চন্দন কাঠের চুল্লিতেই
সারিপুত্রের বরতন্তু দাহ করা হয়েছিল ।

বড় বাঞ্ছের মধ্যে আধারের অবশ্য বাহিরে একটি জীবিত
মাকড়সা পাওয়া গিয়েছিল ।

অবশেষ কোষের অভ্যন্তরে পাওয়া গেল—মহাঞ্চা সারি
পুত্রের একটুকরা অঙ্গি, এক ইঞ্চির কম, আর সাত রকমের
সাতটি পাথরের টুকরা ।

কানিংহাম সাহেবের মতে ঐরকম সাতটি রঞ্জের টুকরা সাধারণতঃ দেহাবশেষ স্মৃতির আধারে রাখবার বিধি ছিল।

সারি পুত্রের অঙ্গির সঙ্গে যে সপ্তরত্ন পাওয়া গিয়েছে তাদের একটি মুকুতা বড়কী, ছুটি ছোট মতি, চতুর্থটি বৈক্রান্ত মণি (গারনেট) একটি তারকার আকারের বৈর্য মণি (ল্যাপিসল্যাজুলি) ষষ্ঠটি ফটিক এবং সপ্তম প্রস্তরখণ্ড রাজাবর্ত মণি (এমেথিষ্ট)।

কানিংহাম বলেন—এই রীতি লাদাকের বৌদ্ধদের মধ্যে আজিও প্রচলিত। তারা সজ্বপতির ভন্দের সঙ্গে অথবা লামার শবের সঙ্গে সোনা, রূপা, তামা এবং লোহার টুকরা কখনও মতি গারণেট ও ফিরোজা রাখে। গম, ঘৰ এবং ধানের কণা, শ্বেত ও রক্ত চন্দনের টুকরা এবং সুপকা বাচিড়গাছের শুকনো লস্বা ডাঁটি রাখে।

মহামোগ্গলানের ভূমাধার যে পাথরের কোষে ছিল সেটি অপেক্ষাকৃত নরম। কারণ তার উপর সাদা পাথরের রেণু ছিল। আমার মনে হয় আজিও গয়ার যে সাদা পাথরের বাসন ও মূর্তি পাওয়া যায় এটি সেই পাথরের। কারণ এইদের জন্মস্থান ছিল রাজগৃহ নালক। চীন পরিব্রাজক ফা হিয়ানের মতে নালন্দাই অতি প্রাচীন নালক। কোষের মধ্যে মোগ্গলানের ছুটি ছোট অঙ্গির টুকরা পাওয়া গিয়াছে।

ছুটি অবশেষ স্মৃতিকোষের ডালার ভিতরে কালি দিয়ে এক একটি অক্ষর লেখা। একটিতে—

স

অন্তিতে

ম

এই ছটি হাতের লেখা অক্ষর অন্ততঃ ভারতে পাওয়া লিপির মধ্যে প্রাচীনমত। ছজনে বুদ্ধভগবানের দক্ষিণ ও বাম হস্ত ছিলেন তাই ছটি আধারের ছদিকে স্থিতি—ইহা আবিষ্কৃতা কানিংহামের অভিমত।

এই ছটি কোষ ১৮৫০ সালে ইংলণ্ডে পাঠিয়ে দেওয়া হয়েছিল। তারা ছিল সংগ্রহ শালায় ভিস্টোরিয়া এণ্ড এলবার্ট মিউজিয়মে।

অবশেষের পালি শব্দ পারিভোগিক। শারীরিক, পারিভোগিক এবং উদ্দেশিক তিনি প্রকার চৈত্য নির্মিত হ'ত। চৈত্য যাহা চেতনা দেয়, স্মৃতি উদ্দেক করে। দার্জিলিং, খরসাং, ঘুম, কালিম্পঙ্গ, শিকিম প্রভৃতি স্থানে বহু চৈত্য দেখেছি। সেগুলি লামাদের স্মরণার্থ নির্মিত। সিংহলে চৈত্য বা ছোট স্তুপকে সাধারণতঃ দাগোবা বলে।

হয়েন সাঙ বাঙ্গলার এক স্তুপের কথা বলেছেন। এর নাম জরাসন্ধুর বৈঠক। আজ্ঞাভোলা বাংলা দেশ নিজের সোনা পরকে দিয়ে পরের গিল্টকরা আভরণ সংগ্রহে ব্যস্ত ছিল প্রায় বিগত দুশো বৎসর। তাই এর কথা এদেশে, অজ্ঞাত।

বোম্বাই প্রদেশে এবং পশ্চিম ভারতে ইলোরা, অজন্তা,

কালী প্রভৃতি গুহা বিচ্ছি। এদের শিল্প এবং দেবদেবী ও অর্হত, বুদ্ধ, জিন প্রভৃতি মূর্তির একত্র সমাবেশ দেখলে স্পষ্ট বোঝায়, ভারতবর্ষ একতা হারিয়ে স্বাধীনতা হারিয়েছিল কিন্তু উদারতা হারিয়ে অন্তান্ত প্রাচীন দেশের মত ধর্মবেবিতার নির্ণুরতায় হৃষ্ট হয়নি। ভারতবর্ষই সেই দেশ—

উদিল যেখানে বুদ্ধ আহ্বা মুক্ত করিতে মোক্ষদ্বার।

আজিও জুড়িয়া অর্দ্ধজগত ভক্তি-প্রণত চরণে ঘাঁর।

সারিপুত্র এবং মহামোগ্নগ্নানের দেহাবশেষ ভগবান বুদ্ধ-স্পর্শ-পূত। তারা সংরক্ষিত হয়েছিল স্বাবস্তির জেতকুঞ্জে। সেখান হতে স্বদূর অবস্থী দেশে তারা পৌঁছিল কেমন করে?

সাবস্তৌ ও ভগবান বুদ্ধদেবের ভস্মাবশেষ বক্ষে ধারণ করে রেখেছিল। মহামতি অশোক সেখানে গিয়ে সেই পবিত্র ভস্মরাশি বহু ভক্তকে বিভিন্ন স্থানে সংরক্ষণ করবার জন্য বিতরণ করেছিলেন। তাঁর প্রধান শিখ্যরা নিশ্চয় অশোকের ভক্তি অর্ধ্য লাভে বঞ্চিত হননি। তিনিই নিশ্চয় সেই দুজনার ভস্মাবশেষ অতি অপরূপ শিলাময় স্তুপে স্বয়ম্ভু রক্ষা করেছিলেন।

আমার মনে হয় যে ঐ রেলিক্স আবার যথাস্থানে প্রত্যর্পণ করবার ঘাঁরা ভার নিয়েছেন তাঁরা দেশের, দেশের এবং ধর্মের যথার্থ সেবক। টুটনখামেনের সমাধি হ'তে ঘাঁরা যাত্ত্বরের জন্য মসলা সংগ্রহ করেছিলেন আমি তাঁদের স্বাধ্যাতি করি না। কেহ কেহ নাকি পাগল হয়ে গেছে। কত হৃদয়ের ব্যথা

প্রেম শ্রদ্ধা এবং আনুগত্য জড়ানো থাকে সমাধির সঙ্গে সেকথা সহজেই অনুমান করা যায়। বৌদ্ধ, জিন বা হিন্দু সাধু জীবিতকালে আততায়ীকে ক্ষমা করেন, তাঁরা স্বধাম হ'তে মানুষের প্রতি প্রেমই বর্ণণ করেন। অভিসম্পাতের ভাবা বা ভাব তাঁদের আত্মা অধিদিত। কিন্তু সত্য মানুষের উচিত নয় জ্ঞান পিপাসায় কিন্তু কুতুহলী তৃষ্ণায় কোন পবিত্র স্থৃতি-মন্দির নিয়ে খেলা করা বা ইতিহাসের মসলা সংগ্রহ করা। মহেঝেদারোর পাত্র বা মোহর সংগ্রহ এবং মহাআদের অঙ্গি বা ভস্মসংগ্রহ বিভিন্ন ব্যাপার।

যা হক শেষ রক্ষাই রক্ষা।

চোরাশী হাজার স্তুপের একটি ৩০০ ফুট উচ্চ স্তুপ ছয়েঙ্গ সাং (৭ম শতাব্দী) আফগানিস্থানে দেখেছিলেন। সিংহলের একটি ৪০০ ফুট উচ্চ স্তুপেরও কথা তাঁর গ্রন্থে উল্লিখিত আছে।

এ স্থলে একটা কথা বলি। পাশ্চাত্য সমালোচকেরা ভারতবর্ষের দেবদেবী যক্ষ-যক্ষরমণী, মহাপুরুষ প্রভুতির ভাস্তর মূর্তিকে কিন্তু কিমাকার গ্রোটেক্স প্রভুতি আখ্যা দিয়েছেন। ডাঃ ফাণ্ডেন বুদ্ধ-গয়া ও বরহতের শিল্প সমালোচনা ক'রে বলেছেন কতকগুলি জন্ম, যেমন হাতী, হরিণ এবং বানর, এমন স্বাভাবিক ভাবে নির্মিত যার শিল্প শোভা জগতের কোনো দেশের শিল্পী অত সুন্দর ভাবে প্রকটিত করতে পারে নি। আমার নিবেদন যারা দশ-মুণ্ড রাবণ নির্মাণ করতে পারতো তাদের দ্বিতৃজ মূর্তি রচনার সামর্থ্য ছিল নিশ্চয়ই।

নর্তকী, বাদক, গায়িকা প্রভৃতির সচল গতি মনোরম। কিন্তু অঙ্ক শাস্ত্রের মাপে বিচিত্র। এর এক মাত্র কারণ ভারত মনকে ফোটাতে চেষ্টা করেছে। সাহিত্যে, শিল্পে, কাব্যে ও পুরাণে, পাঞ্চাত্য দেহে ও দেহের সৌন্দর্যে অধিক আনন্দের সন্ধান দিয়েছে। সাঁচির উত্তর তোরণে এক ৪৫ ফুট ঘোগীমূর্তি ছিল। আজিও মহীশূরের শ্রবণ বেলগোলায় অর্হত গোমত রায়ের বিশাল মূর্তি বিরাজিত। এ-সব মূর্তির মুখে শাস্তিময় ধ্যান-গন্তীর ভাব।

অন্যান্য স্তপ

সাঁচির দ্বিতীয় স্তপে কানিংহাম সাহেব এগার ইঞ্চি লঙ্ঘা
সাড়ে নয় ইঞ্চি চওড়া একটি সিন্দুক পেয়েছেন। উপরে
লেখা আছে—

সবিন বিনয়কান অরং কাশপ গোতম উপাদিয় অরং চ
বাচা সুবিজয়তং বিনয়ক।

অর্থঃ

সব বিনয়ক অর্হৎ কাশ্যপগোত্র উপাধ্যায় প্রমুখ এবং
অর্হৎ বাচা সৌবিজয়ত শিক্ষক।

এই আধারের মধ্যে উপাধ্যায় কাশপগোত্র ব্যতীত
অন্যান্য অর্হতদের অবশেষ স্মৃতি পাওয়া গিয়াছে। কাশ্যপ-
গোত্রের কথা লেখা আছে—সপুরিস কাশ্যপগোত্রস সব
হেমবতাচরিয়স। স্বধাম প্রাপ্ত অর্থঃ দেহ-মুক্ত কাশপগোত্র
হিমালয়ের আচার্য।

ঢাকনির ভিতরে লেখা


সপুরিস মঝিমস

অর্থঃ মুক্ত মঝিম। এবং আধারের নিচে লেখা আছে।




সপুরিস হারিতীপুত্রস

মুক্ত হারিতীপুত্র

এক আধারে এই তিনজন মহাপুরুষের দেহাবশেষ ভস্ত্র



যে ছটি পাথরের কোয়ে ভয়াবশেস পাওয়া গিয়াছে



সাঁচি স্তুপ

- (১) সংস্কার সামনের পুর স্তুপের বর্তমান অবস্থার চিত্র
- (২) যে আধাৱে সারিপুত্রের দেহাবশেষ রক্ষিত তাহার চিত্র
- (৩) যে আধাৱে মোগ গল্লানের দেহাবশেষ রক্ষিত তাহার চিত্র

আবিষ্কারের ফলে কানিংহাম সিংহলের ইতিহাস দ্বীপবংশ এবং মহাবংশে বর্ণিত ঘটনার সত্যের প্রমাণ পেয়েছেন। মহাবংশে বর্ণিত হয়েছে যে থের কাশপগোত্র পুণ্যবান মুক্ত বা মধ্যমকে সঙ্গে নিয়ে হিমাচল প্রদেশে ধর্মপ্রচার করতে গিয়েছিলেন। জীবনে যাঁরা একই স্তুত্রের ডোরে বাঁধা পড়েছিলেন, মরণেও তাঁরা বিছিন হননি।

দ্বিতীয় স্তুপে অপর একটি আধার পাওয়া গেছে মুক্ত মোগ্গলীপুত্রের ভক্তি। ইনি মহেন্দ্রর দীক্ষা গ্রহণ অনুমিত হন।

সোনারির এক স্তুপে অন্তান্ত নামের মধ্যে পাওয়া গেছে—গোতিপুত্র হেমবত ছন্দুভিসর দাসাদাসেব। ছন্দুভিস্বরের নামও সিংহলের ইতিহাসে পাওয়া যায়। অন্তান্ত নামও পাওয়া গেছে যা হতে কলঙ্কা বজিরারামের ভিক্ষু মেত্রেয় (মেত্রেয়) তাঁর স্বদেশের ইতিহাসের প্রত্যক্ষ প্রমাণ পেয়ে আনন্দিত হয়েছেন। অর্হত মোঙ্গলী পুত্র (মঙ্গলীপুত্র) পূজ্য মহিনকে সিংহলে পাঠিয়ে ছিলেন। তিনি সিংহলের ঐতিহ্য মতে বলেছিলেন—তুমি মনোহর লক্ষাদ্বীপে মনোহর জিনানুশাসন দেখতে পাবে।

এ ক্ষুদ্র নিবন্ধে সকল তথ্য উল্লেখ সন্তুষ্পর নয়। এই শুভ উৎসবের সময় যাতে স্বাধীন ভারতের দৃষ্টি তার সোনালি যুগে পড়ে সেই উদ্দেশ্যে এই পরিচয় পত্র। তথ্য এবং তত্ত্বের নিভূল বিবরণ ও অসন্তুষ্প। কারণ এতাবত আমরা নিজের ঘরে দৃষ্টি দেবার সময় পাইনি।

র্মেষ্য এবং গুপ্ত বংশের রাজন্য বর্গের সাঁচির প্রতি অনুরাগ হ্রাস পায় নি। সাঁচির এক প্রস্তর লিপিতে দেখা যায় দ্বিতীয় চন্দ্রগুপ্ত (৪০১ খ্রিষ্টাব্দ) বৌদ্ধ ধৈর্যদের একটি গ্রাম দান করছেন। ককন দেবতার পবিত্র বিহার তিনি উৎসর্গ করে ছিলেন আর্য সজ্যকে।

সারনাথের লুপ্তরহ্মের মধ্যে পাওয়া সিংহশির স্তম্ভের চিত্র বর্তমান ভারত সরকার মোহররূপে ব্যবহার করেছেন। সিংহশির স্তম্ভ সাঁচিতেও উদ্ধার হয়েছে। অন্যত্রও পাওয়া গেছে। সারনাথের স্তম্ভের চাকুচিক্য নয়নাভিরাম, সুতরাং এমন সুন্দর পদার্থ ভারতবাসীর পূর্ব পুরুষ নির্মাণ করতে পারে, এ অসম্ভব ধারণা আমাদের পাশ্চাত্য হ'তে আগত হিতার্থীদের মনে স্থান পেলে না। তাঁরা প্রাচীন ভূবন ভ্রমণে বাহির হয়েছিলেন। গ্রীকবাদীদের মত খণ্ডন করে এক দল মিশরে গেলেন। গ্রীসেতো সিংহ নাই। এ সিংহনির্মাতা নিশ্চয় মিশরের শিল্পী-কেশরী। কিন্তু মিশরের ভাস্কর্যেও তো সিংহমূর্তি নাই। শেষে একদল রায় দিলেন যে ভারতের উত্তরে বক্তিরিয়ায় যে যবন উপনিবেশ ছিল তারই কেহ এ সৌন্দর্যের অষ্টা। ভিনসেন্ট স্থিথ পারস্যের ও গ্রীসের সম্মিলিত শিল্পের সম্মান পেলেন। মনে পড়ে রোমক বিজয়ী বীরের কথা—
উও টু দি ভ্যান্কুইস্ড—বিজিত সন্তপ্ত হ'ক।

যে চাকচিক্য বিদেশী মনকে বিস্মিত করেছে, ঐতিহাসিক অক্ষয়কুমার মৈত্রৈয় বলেন সে বজ্রলেপের। তার রচনা প্রণালী

তঙ্গে বিবৃত আছে। চিরশিল্পী হাতেল অবশ্য পালিসে বাহিরের
হাতের সিদ্ধান্তকে ভাস্ত বলেছেন।

সাঁচির বেষ্টনীতেও এই রূক্ম লেপ ছিল। কতক ঘান
হ'য়েছে। তবু তার অবশেষ লক্ষিত হয়। সারনাথের রেলিং
পালিস করা ছিল। বরহতেও লেপ বিদ্যমান। শুতরাং
লেপ-বিদ্যা ভারতের শিল্পের এক বিভাগ, এ কথা নিঃসঙ্কেচে
বলা যেতে পারে।

মহেন্দ্র ও সজ্যমিত্রা

ঐতিহাসিকদের মতানৈকের অপর একটি উদাহরণ দিই। সাঁচি সিংহলবাসীর পক্ষে পুণ্যভূমি কারণ সিংহলে বৌদ্ধধর্ম প্রচার করেছিলেন ঐ প্রদেশের অধিবাসী রাজকুমার মহেন্দ্র এবং রাজকুমারী সজ্যমিত্রা। কিন্তু এ কথা সত্য কিনা এবং মহেন্দ্র ও সজ্যমিত্রা অশোকের কিঙ্গপ আঞ্চীয় এই ব্যাপার নিয়ে তুমুল বিতঙ্গায় ঐতিহাসিকদের লেখনী পরিচালিত করতে হয়েছিল। মহাবংশ সিংহলের ইতিহাস। তার মতে অশোকের পিতার রাজত্বকালে উজ্জয়নী অবস্থার রাজধানী ছিল। বিদিশ গিরিতে দেবী নামী শ্রেষ্ঠী বংশীয়া এক মহিলা বাস করতেন। পিতার রাজত্বকালে যখন যুবরাজ অশোক এ প্রদেশে ছিলেন দেবীর সাথে তাঁর প্রেম হয়। তিনি তাঁকে বিবাহ করেন। তারই গর্ভে মহেন্দ্রের জন্ম। দ্বীপবংশ মহেন্দ্রের জন্মকাল নির্দেশ করেছে বুদ্ধের মহাপরিনির্বাণের ২০৪ বৎসর পরে। তার দুই বৎসর পরে সজ্যমিত্রা জন্মগ্রহণ করেন।

অশোকের রাজ্যলাভের পরও মহিষী দেবী বিদিশনগরে অবস্থিতি করতে লাগলেন। কিন্তু তাঁর পুত্র কন্তা পিতার রাজধানী পাটলিপুত্রে গমন করলেন। অশোকের ভাতুষ্পুত্র অগ্নিবন্ধুর সঙ্গে সজ্যমিত্রার বিবাহ হয়। সিংহলের রাজপুত্র দেবপ্রিয় তিস্সের অনুরোধে অশোক মহিলকে এবং পরে

সভ্যমিত্রাকে লক্ষ্য প্রেরণ করেন। এঁরা সিংহলে বৌদ্ধধর্ম প্রচার করেন। লক্ষ্মেশ কণ্ঠা আনুলা পাঁচ শত সহচরী নিয়ে সভ্য প্রবেশের অভিলাষ ব্যক্ত করেন। নারীর দীক্ষা-গুরু নারী হলে শোভন হয়। সিংহল-রাজ আবার পাটনায় দৃত পাঠান। তখন অশোক নিজ কণ্ঠাকে বাঙ্গলা দেশের তাত্ত্বিকিতা বা তম্ভুক অবধি পৌছে দেন। রাজকুমারী বৌধি-ক্রম সহ সিংহল গমন করেন এবং তথাকার রাজকুমারী এবং অন্যান্য মহিলাকে বৌদ্ধ ধর্মে দীক্ষিত করেন।

সাঁচির তোরণে যে উৎকৌণ্ঠ চিত্র আছে তার ফলে এই বিবৃতি সত্য মনে হয়। সিলোনের থুপারাম স্তুপে মহেন্দ্রের ভস্মাবশেষ পাওয়া গিয়েছে। সুতরাং মহাবংশ এবং দ্বীপ বংশের কাহিনীর সত্যতার এ দ্বিতীয় প্রমাণ।

ভারতবর্ষের প্রচলিত ঐতিহ্যে কিন্তু মহেন্দ্র এবং সভ্যমিত্রা অশোকের ভাতা ভগী। ভিন্সেন্ট স্মিথ প্রথমে সমস্ত মহেন্দ্র সভ্যমিত্রা আখ্যায়িকা কপোল কল্পিত ভেবেছিলেন। শেষে থুপারামে ভস্মাধার দেখে পরে বলেছেন ওঁদের ছুজনকে তিনি স্বীকার করতে সম্মত হতে পারেন যদি তাঁরা অশোকের ভাইবোন হন। অবশ্য সময় কাল বিচার করে সিদ্ধান্তের কারণ দিয়াছেন।

ঐতিহাসিক বীল বলেছেন মহেন্দ্র সভ্যমিত্রার সিংহল অমণ বৃক্ষাস্তুটি একেবারে অলৌক। নিজেদের ধর্মের সঙ্গে অতি প্রসিদ্ধ অশোকের নাম সংযোগ করার উচ্চাভিলাষই এই

কল্পনার জনক ! হঠাৎ সমারোহে দেশটা বৌদ্ধ হয়ে গেল একি আবার একটা কথা । ধীরে ধীরে শনৈঃ শনৈঃ সিংহলী বৌদ্ধধর্ম গ্রহণ করেছিল ।

ওল্ডেনবার্গ প্রভৃতি এক দল ইতিবৃত্তকারণ মহেন্দ্র সভ্য মিত্রার সিংহল গমন বিশ্বাস করেন না । তাঁরা বলেন, এত অঙুশাসন, শিলালিপি, গুহা লিপি প্রভৃতি চারিদিকে বিদ্যমান, তাদের কোনোটিতে তো অশোক ওদের সিংহল যাত্রার কথা লেখেন নাই । যে সকল দেশে অশোক প্রচারক পাঠিয়েছিলেন ত্রয়োদশ শিলা-লিপিতে তাদের নামের উল্লেখ আছে । তাদের মধ্যে সিংহলের নাম আছে বটে কিন্তু মহেন্দ্র বা সভ্যমিত্রার উল্লেখ নাই ।

অপর এক দলের মতে দক্ষিণ ভারত হতে সিংহলে বৌদ্ধ ধর্ম প্রচারিত হয়েছিল ।

জগতের সকল ঘটনা পরম্পরের সঙ্গে জড়ানো । বিজ্ঞান বাদী বলে পৃথিবীতে একটা আলপিন পড়লে নিখিল বিশ্ব-অঙ্কাণ্ডে তার সারা পড়ে । মানুষের মনের ভাব এবং সেই ভাব প্রণোদিত কাজের ও ফল এই রকম । আমরা মেটা কাজের স্কুল পরিণাম বুঝতে পারি । সূক্ষ্ম ভাবধারার প্রতিক্রিয়ার সূক্ষ্ম ফল ধরতে পারিনা । তাই ঐতিহাসিক মুনিদের নানা মত ।

দেবতা বা মহামানবের প্রতি শ্রদ্ধা শিল্প প্রসারের কারণ । যাকে পৌত্রিকতা বলে সেই ধর্মানুষ্ঠানের ফলে জগতে বহু

অট্টালিকা, ভাস্কর্য, চিত্র এবং মাটির পুতুল নির্মিত হয়েছে, যার অবশ্যস্তাবী ফলে শিল্পদক্ষতা প্রসার লাভ করেছে। সজ্যমিত্রা লক্ষায় বোধি বৃক্ষ নিয়ে গিয়েছিলেন। অশোক পথে ফল ফুলের বৃক্ষ রোপণ করতে শিক্ষা দিয়েছিলেন। ভক্তের হৃদয় কুসুম পৃথিবীতে প্রকৃতির যত্নে গড়া খোটা ফুলের সন্ধান করছিল ভগবান বুদ্ধের স্মৃতি-চৈত্যেতে, শাস্ত মূর্ত্তিতে অর্ধ্য দিবার জন্য। তার ফলে দেশে গাছের আদর বেড়েছিল। আজিও সিংহলের যে দিকে যাই, কুসুম স্থাবাস অভ্যর্থনা করে, চম্পক হাঁসে। মহামতি অশোক জীবে দয়া, গোরক্ষা প্রত্তি সুস্মকে অনুশাসন লিপিবদ্ধ করেছিলেন। তার ফলে লোকের মনে গবাদি পশুর প্রতি প্রীতি জন্মেছে।

অশোকের আন্তর্জাতিকতার স্ফুলের অন্ত নাই। সার অরেল স্টীন বলেন প্রাচ্য তুর্কীস্থানে খোটানে খরোষ্টি অক্ষরে লেখা পুঁথি পাওয়া গেছে যার ভাষা পালি। চীনে, মলয়ে, সিকিমে সিংহলে সংগ্রহ শালায় বহু সংস্কৃত ও পালি ভাষায় লেখা পুঁথি পাওয়া গেছে। আজি ও মহাবোধি সোসায়টির সভায় তিব্বত চীন শ্যাম ও ব্রহ্ম হতে প্রতিনিধি এসে যখন আত্মাবে হাসে তখন প্রাণে সত্যই উদারতা আসে। ভবিষ্যতে দক্ষিণ ও পূর্ব এসিয়া আবার আত্মের বন্ধনে আবদ্ধ হবে, এ আশা বহু দেশ-প্রেমিকের মনের পটে বিদ্যমান।

“রেলিক্” প্রত্যর্পণ

সাঁচি স্তপের কথা আজ আবার সবার প্রসঙ্গের বিষয় হয়েছে, প্রত্তু বুদ্ধের দুজন প্রধান ভক্তের ভস্মাধারের প্রসঙ্গে। প্রত্তত্ত্ব বিভাগ সাঞ্চী স্তপগুলিকে এক একটি নির্দিষ্ট সংখ্যা দিয়েছে। তৃতীয় স্তপে ১৮৫১ খঃ অব্দে জেনেরাল কানিংহাম এই ছুটি ভস্মাধার আবিষ্কার করেন। এ ছুটি ইংলণ্ডের ভিক্টোরিয়া এন্ড এলবার্ট মিউজিয়মে রক্ষিত ছিল। মহাবোধি সোসায়টির অক্লান্তকর্মী কর্মসচিব শ্রীদেবপ্রিয় বলিসিংহ বহু চেষ্টায় ভস্মাধার ছুটি ঘাতে সাঁচিতে পুনঃ প্রতিষ্ঠিত হতে পারে সে বিষয় ব্রিটিশ গবর্ণমেন্টের সম্মতি লাভ করেছেন। সাঁচি ভূপাল রাজ্যের অন্তভূত। তাই ভস্মাধার ছুটি পাবার জন্য ভূপাল এক দাবী উপস্থাপিত করেছিল। শেষে মহাবোধি সোসায়টির পক্ষ হতে প্রধানেরা প্রত্তত্ত্ব পরিশ্রমের ফলে বিলাত হতে স্মৃতি চিহ্ন ছুটি সিংহলে আনিয়েছেন। যেরূপ সমারোহে গত সালে লক্ষ্মা সে ছুটিকে গ্রহণ করেছে তেমন সমারোহ বা উৎসব এ যুগের সিংহলে অজ্ঞাত ছিল।

গত চৈত্র মাসে ভস্মাধার ছুটি বর্মায় গিয়েছিল। সেখানেও বর্মীরা অসাধারণ ভক্তি দেখিয়েছে স্মৃতি চিহ্ন ছুটির প্রতি। সে ছুটি আবার সিংহলে প্রত্যাবর্তন করেছে। আগামী মাঘী পূর্ণিমায় ভারতবর্ষের প্রধান সচিব পঙ্গিত শ্রীজহরলাল নেহেরু

সিলেন মহাবোধি সোসায়টির প্রতিনিধিদের হস্ত হইতে গ্রহণ ক'রে, কলিকাতার মহাবোধি সোসায়টির সভাপতি ডাঃ শ্রীগুমা-প্রসাদ মুখোপাধ্যায় মহাশয়ের হস্তে ভস্মাধার ছটি সমর্পণ করবেন। সে সম্পর্কে যে উৎসব হবে বাংলা সরকারের পক্ষ হতে প্রধান মন্ত্রী ডাঃ শ্রীবিধানচন্দ্র রায় ও মন্ত্রী শ্রীনিহারেন্দ্র দত্ত মজুমদার মহাশয়েরা তার বন্দোবস্ত করছেন। কলিকাতার বহু গণ্যমান্য নাগরিক নিয়ে সরকার এক প্রতিনিধিমণ্ডলী গঠন করেছেন। কর্মী শ্রীপ্রকাশস্বরূপ মাথুর মহাশয়।

ভস্মাধার ছটির একটি সারিপুত্রের, অপরটি মহামোগ-গ্লানের। এ'রা ছজন প্রিয় শিষ্য ছিলেন প্রত্ব বুদ্ধভগবানের। যাদের বুদ্ধ সাক্ষাত্কারের সৌভাগ্য হ'য়েছিল বলা বাহ্যিক তাদের পূর্ব জন্মের পুণ্যের মাত্রা ছিল প্রত্ব। এ'রা অর্হতাত্ত্ব করেছিলেন। তাই তাদের জন্মভূমি এবং সিংহল সারিপুত্র এবং মহামোগ-গ্লানের পবিত্র স্থৃতিতে অর্ঘ দিতেছে। পৃথিবীর অন্তর্গত বৌদ্ধ-প্রধান দেশেরও প্রতিনিধিরা এই স্থৃতি-পূজায় যোগদান করবেন। ভারতবর্ষের চিরদিনের নীতি—কৌর্তীর্ণস্ত্র সং জীবতি। তাই আজ তাদের কৌর্তির মাঝে সারিপুত্র এবং মহামোগল্যায়ন অমর।

এই প্রক্ষেপই মনুষ্যত্বর উৎকৃষ্ট উপলক্ষ। সে শিক্ষা এ পুণ্য ভূমির সকল কৃষ্টি, সকল সাধনার মূলে। মানুষের একতা কেবল জীবিত আত্মীয়র স্বত্বে হংথে, সম্পদে বিপদে

এক্য বোধ নয়। যারা গেছে বর্তমানে নিজেদের মধ্যে তাদের উপস্থিতি মেনে নিয়ে তাদের প্রতি দরদ বা শ্রদ্ধা, উদার বিশ্বমানবতার লক্ষণ। যারা কীর্তি রেখে দেহত্যাগ করেছেন, স্বর্খের কিরণ ছড়িয়ে অতীতে বিলীন, তাদের জন্ম মন্ত্র কাঁদে। তাই সমাজে সহীদ ও বীরের পূজা, স্বর্খের স্মৃতি জড়ানো বিগত দিনকে উপলক্ষ ক'রে পার্বণ ও উৎসব।

ভারতের স্বর্খের রবি বহুদিন মেঘাচ্ছন্ন ছিল। কিন্তু তার সংস্কৃতি উদারতার ভিত্তিতে গড়া, তাই সে আজও জীবিত। আজ ভারতবর্ষ, সিংহল, ব্রহ্মদেশ স্বাধীন। বহুদিন আশায় উদ্ধৃতান্তে চেয়েছিল, শুভদিনের প্রতীক্ষায়। কবির ভাষায়—

আমার এ মানসের কানন কাঞ্জাল
শীর্ণ শুক বাহু মেলি বহু দীর্ঘকাল
আছে ক্রুদ্ধ উর্ধ্ব পানে চুহি। ওহে নাথ
এ রুদ্র মধ্যাহ্ন মাঝে কবে অক্ষাৎ^১
পথিক পবন কোন দূর হতে এসে
ব্যগ্র শাখা প্রশাখায় চক্ষের নিমেষে
কানে কানে রটাইবে আনন্দ মর্মর
প্রতীক্ষায় পুলকিয়া বন বনাস্তুর।
আজ সে পথিক পবন আগত।

চিত্ত-প্রসার

মানুষ চায় সঙ্গ, নিজের মনের মত লোক নিয়ে গড়তে চায় সজ্ঞ। এই দল-বাঁধার প্রবৃত্তি তাকে একদিকে যেমন বাড়িয়েছে, অন্তদিকে তেমনি ক্ষুদ্র করেছে। ধর্শনের নামে শ্রষ্টার নামে এক হ'য়ে সজ্ঞবন্ধ হ'য়ে, মানুষ যখন নিজের সংহতির গঙ্গীর অপরপারের লোককে ঘৃণা করে, শক্র ভাবে, তখন তার অধঃপতন। কিন্তু একত্র সমাহিত হয়ে সে যখন স্থির করে যে সজ্ঞ পরসেবার অরুষ্ঠান, তার বাঁধা দল বিশ্ব-মানবতার হিত-কামনার ভিত্তিতে প্রতিষ্ঠিত, তখন মানব-মন প্রসারিত হয়। নিজের লাভকে ক্ষুদ্র ভাবলে, চরম লাভের মাত্রা বিশাল হয়। ক্ষুদ্র বস্তুভার মন ভূতের বোঝা বহে মাত্র।

এ দেশের নীতি চিরদিন এ সঙ্কীর্ণতার বিপক্ষে সংগ্রাম রত। ভগবান বুদ্ধ বহুর হিত-কল্পে নিজের নির্বাণ ত্যাগ করেছিলেন। মহারাজা অশোক পৃথিবীর বস্তুলাভ ক'রে হাঁসি মুখে সে তার আবর্জনা স্তুপে নিক্ষেপ ক'রে মহাপ্রাণদের স্মৃতি মন্দিরে স্তুপ উৎসর্গ করেছিলেন।

কবির কথায়—

বস্তু ভারহীন মন সর্ব জলে স্থলে
পরিব্যাপ্ত করি দিত উদার কল্যাণ,
জড়ে জীবে সর্বভূতে অবারিত ধ্যান
পশিত আত্মীয়রূপে।

আজ সেই মাতৈঃ মন্ত্র ভেসে এসেছে। আজ প্রাচ্যদেশ
স্বাধীন ! সেই স্থখের স্বাধীনতা আজ সমারোহের বিপুল
বর্ষণে আমাদের মানসপটে এনে দেবে তাদের স্মৃতি যাঁরা এই
ভারতভূমির জন্য পুণ্যভূমি বিশেষণ অর্জন করবার উদ্দেশ্যে
অবতীর্ণ হয়েছিলেন। আজ এই শুভ পূর্ণিমার দিনে তার
প্রিয় শিষ্যদের প্রতি শ্রদ্ধা নিবেদনের অবকাশে সিদ্ধার্থকে
বলি—

নৃতন তব জনম লাগি কাতর যত প্রাণী
মহাপ্রাণ কর ত্রাণ আন অমৃত বাণী ।

মাতা গোতমীর কথায় বলি—

বুদ্ধবীর নমোত্যথু সবসত্ত্বানন্দুত্তম ।

